

ՏԵՂԵԿԱՑՈՒ

DEGHEGADOU

دی‌جەگادو

Հրատարակութիւն Գահիքէի ՀԲԸՆ-ի

نشرة جمعية القاهرة الخيرية الأرمنية العامة



**ԱՐԵՒՄՏԱՀԱՅԵՐԵՆԻ ԵՒ ԱՐԵՒԵԼԱՀԱՅԵՐԵՆԻ
ՄԵՐՁԵՑՄԱՆ ԽՆԴԻՐՆԵՐ» ՆԻԹՈՎ ՀԱՄԱԺՈՂՈՎ
«ԳԱԱ Երևան, 29-30 Յուլիս 2015**

ԽՄԲԱԳԻՐ

ԽՄԲՎԳՐՈՒԹԵԱՆ
ԽՈՐՅՈՒԱՏՈՒ
Պետք Թէղողեան

ՍՐԲԱԳՐԻՉ ՎԵՐԱՏՈՒԳԻՉ

ԳԵՂԱՐՈՒԵՍՏԱԿԱՆ ԶԵՒԱԻՆՐՈՒՄ

ՀԱՍՏԱՏՈՒԹՅՈՒՆ
ԸՆԴՀԱՆՈՒՐ

Տպագրութեան
Nubar Printing Press

Թիւ 76 Նոր Շրջան
ՅՈՒՆԻՏ 2015

ԳահիրԵի ՐԲԸ-ի
լուրերուն հետեւեցէք
www.agbuegypt.com
կայցեղով

ԲՈՎԱՆԴԱԿՈՒԹԻՒՆ



ԱՐԵՒՄՏԱՀԱՅԵՐԵՆԻ ԵՒ ԱՐԵՒԼԱՀԱՅԵՐԵՆԻ ՄԵՐՁԵՑՄԱՆ ԽՆԴԻՐՆԵՐ» ՆԻՒԹՈՎ ՀԱՄԱԺՈՂՈՎ

Հայաստանի Սփիրքի Նախարարութեան եւ Հայաստանի Գիտութիւններու Ազգային Ակադեմիայի Յթ. Աճառեանի Անուան Լեզուի հնստիտուտին նախաձեռնութեամբ, ԳՎԱ-ի նիստերու դահլիճին մէջ, 29-30 Յուլիս 2015-ին տեղի ունեցաւ «Արեւմտահայերենի եւ Արեւելահայերենի Մերձեցման Խնդիրներ» խորագրով համաժողովը:

ՀՅ Սփիրքի նախարար Յրանուշ Յակոբեան բացման խօսքով հանդէս գալով՝ ըսաւ. «Համոզուած եմ, որ մայրենի լեզուի երկու ճիշերուն նուիրուած այս համաժողովը իր նպաստը պիտի բեր մեր լեզուի միասնական զարգացման ու գործառնութեան, պահպանութեան, կանոնակարգման ու գիտական ուսումնասիրութեան, անադարտութեան պահպանման, ուսուցման խնդիրներուն վերաբերող նախաձեռնութիւններուն, ծրագրիներուն, գործողութիւններու առաջադրման ու իրագործման: Ցեղասպանութեան պատճառած անդառնալի վևասներեն են նաեւ մեր լեզուական կորուստները, որոնց յաջբահարման ուղղութեամբ շատ ընելիքներ ունինք»:

Յ. Յակոբեան նշեց որ ՀՅ կառավարութիւնը, ի դէմս Սփիրքի Նախարարութեան, կը համագործակցի Գիտութիւններու Ազգային Ակադեմիայի, բարձրագոյն ուսումնական հաստատութիւններու, գիտամշակութային տարբեր կազմակերպութիւններու հետ՝ արեւմտահայերենի կիրառման ոլորտներու ընդարձակման, արեւելահայերենի եւ արեւմտահայերենի մերձեցման, հայրենագրկուած եւ կորուստի մատնուած բարբառներու նշխարները հաւաքելու եւ ի մի բերելու համար:

«Մենք պարտաւոր ենք արեւմտահայերենը պահպանել անաղարտ եւ ապահովել հայերենի միասնական զարգացումը՝ իբրեւ ազգային միասնութեան պահպանման եւ պետականութեան զարգացման կարեւորագոյն գործու», - նշեց նախարարը:

Իր ողջոյնի խօսքը մասնակիցներուն յիշ-

լով, ԳՎԱ-ի Հայագիտութեան եւ Հասարակական Գիտութիւններու Բաժանմունքի ակադեմիկոս-քարտուղար Եուրի Սուվարեան, կարեւորեց համաժողովին դերը հայոց լեզուի երկու ճիշերու մերձեցման առջևուող խնդիրներու լուծման առումով եւ նշեց, որ լեզուի երկու ճիշերու կանոնակարգումն ու բառամթերքի հարստացումը այժմէական խնդիրներ են: Ան նշեց նաեւ թէ յառաջիկային գործելու պիտի սկսի Հայերենի Բարձրագոյն Խորհուրդը, որ իր կարգին պիտի նպաստէ այդ խնդիրներու լուծման: Առկայ խնդիրները լուծելու նպատակով, Յթ. Աճառեանի Անուան Լեզուի հնստիտուտին մէջ հիմնուած է ու կը գործէ արեւմտահայերենի բաժին:

Պապ, Յթ. Աճառեանի Անուան Լեզուի հնստիտուտի տնօրէն Վիկթոր Կատվալեան հանդէս եկաւ «Հայոց Լեզուին Դիմաց Ծառացած Մարտահրաւերները Ցեղասպանութենէն 100 Տարի Անց» գեկուցումով: Անդրադառնալով լեզուի երկու ճիշերու ներկայ վիճակին եւ առկայ խնդիրներուն, ան ներկայացուց Ցեղասպանութեան իբրեւ հետեւանք եւ խորիրդային շրջանին Ազրպէճանի մէջ հայկական բարբառներու կորուստը, լեզուի զարգացման ու երկու ճիշերու մերձեցման խոչընդուները:

Յուլիս 30-ին, ՀՅ ԳՎԱ-ի մէջ շարունակութեաւ համաժողովին աշխատակները, որուն առաջին նիստը վարեցին Սփիրքի նախարարի տեղակալ Սերժ Սրբավինեան եւ Պեյրութի Համազգայինի «Բագին» ամսագիրի գլխաւոր խմբագիր Յակոբ Պալեան:

ՀՅ ԳՎԱ-ի Յթ. Աճառեանի Անուան Լեզուի հնստիտուտի Սփիրքի բաժինի արեւմտահայերենի խումբի աշխատակից Սիւսաննա Տիոյեան համաժողովի մասնակիցներուն ներկայացուց Լու Անճելըսի խումբին ուղերձը (ղեկավար՝ Արտեմ Սարգսեան): Ողջունելով համաժողովը կազմակերպելու նախաձեռնութիւնը, ուղերձին հեղինակները կ'արծարծեին իրենց պատկերացումով



հայոց լեզուի երկու ճիշերու մերձեցման խնդիրներն ու ուղիները: Անոնց կարծիքով, մերձեցումը հիմնականին մեջ կ'առնըչուի բառապաշտի ոլորտին, եզրաբանութեան, նորաբանութիւններու ոլորտին մեջ կիրառ- ւելիք սկզբունքներուն, ուղղագրութեան եւ լեզուական այլ իրողութիւններու: Անոնք համոզում յայտնած էին այն մասին որ գոր- ծընթացը պետք չէ կայանայ լեզուի ճիշե- րնեւ որեւէ մէկուն հաշուոյն: Խումբը իր պատրաստակամութիւնը յայտնած էր աշակեցելու արեւմտահայերնեւ եւ արեւե- լահայերնեւ մերձեցման նպաստող նախա- ձեռնութիւններուն:

Սուսաննա Տիոյեան ներկայացուց նաեւ իր՝ «Արեւմտահայերնեւ Ուսումնասիրու- թեան Զանի Մը Յարցեր» նիւթով գեկուցումը:

Յայաստանի Պետական Մանկավարժա- կան Յամալսարանի (ՅՊՄՅ) Յայոց Լեզուի Տարրական Ուսուցման Ամպիոնի վարիչ Աշոտ Գալստեան անդրադարձաւ արեւելա- հայերն գեղարուեստական Վաւերագրու- թեան արեւմտահայերն տարրերուն:

Փարիզի «Նոր Յառաջ» թերթի խմբագիր Ժիրայր Չոլաքեան ընթերցեց լիբանանա- հայ գրող, մանկավարժ, արեւմտահայերն դասագիրքերու հեղինակ Յարութիւն Քիլըճեանի «Արեւելահայերն եւ Արեւմտա- հայերն Լեզուաճիւղեր. Մերձեցումի Կարե- լին Ու Անկարելին» նիւթով գեկուցումը: Զե- կուցման հեղինակը՝ վկայակոչելով սեփա- կան փորձառութիւնը, կը մատևանշէր մեր- ձեցման կարելիութիւնները, որոնք հիմնուած են հայոց լեզուի եւ հայ մշակոյթի անվիճե- լի միանութեան եւ անոր բազմադարեան պատմութեան վրայ:

ՅՊՄՅ «Սփիլոք» Գիտառւումնական Կեդրոնի աշխատակից Զնարիկ Աբրահամ- եան, իր դիտարկումները ներկայացուց հանրակրթական դպրոցին մեջ արեւմտա- հայերնեւ դասաւանդման արդի մարտա- հրաւերներու խնդիրին վերաբերեալ:

«Այլ Կերպ» խաղի հեղինակներ՝ Էլիսա Մելիքեան, Անահիտ Յակոբեան եւ Սոֆիա Խաչատրեան (ԵՊՐ) պատկերաշարով ցու- ցադրեցին մտաւոր-ժամանցային խաղերու միջոցով հայերնեւ պահպանման ու կիրառ- ման միտող իրենց ծրագիրը:

ՀՅ-ի հանրակրթական դպրոցներուն մեջ արեւմտահայերնեւ դասաւանդման խնդիր-

ներուն վերաբերեալ գեկուցումով հանդէս եկաւ ԵՊԼՀ դասախոս Գայիանէ Գեղրգեան:

Ելոյթ ունեցան նաեւ սփիւռքեան կրթօ- ճախներու ուսուցիչներ՝ Փարիզի «Մկնիկ» աշխատանոցի տնօրէն Արմինէ Գրիգոր- եան («Արեւելահայերնեւ եւ Արեւմտահայե- րնեւ Միատեղ եւ Չուգահեռ Շփումն Ու Զարգացումը») եւ Լիբանանի Զմառի Երանելի Իգնատիոս Մալոյեան դպրեվան- քի եւ Ս. Միջայել Ընծայարանի ուսուցչուի Սուէ Փիլաճեան («Միթէ Վերջին Պուտու Եմ Ես»). «Մայրենին Անաղարտ Պահել»:

ԵՊՐ Յայոց Լեզուի Ամպիոնի ասպի- րանտ Մայրանուշ Շահումեան անդրադար- ձաւ արեւելահայերնեւ եւ արեւմտահայերն- եւ մերձեցման ու միաւորման վերաբերեալ տարբեր լեզուաբաններու մօտեցումնե- րուն, բանավէճերուն ու կարծիքներուն՝ մասնաւորապէս խնդիրին վերաբերեալ Յի. Աճառեանի աշխատութիւններուն մեջ տեղ գտած ուսումնասիրութիւններուն ու ար- ձարձումներուն:

ՀՅ ԳՎՀ-ի Լեզուի հնստիտուտի գիտաշ- խատող Անահիտ Զարտաշեանի «Դիտար- կումներ Արդի Արեւմտահայ Իրականու- թեան Մէջ Գործառուող Անձնանունների Վերաբերեալ» հետազոտութեան ընթեր- ցումով եզրափակուեցաւ գեկուցումներու շարքը:

Ազա տեղի ունեցաւ օգտաշատ քննար- կում:

Յամաժողովի աշխատանքներուն վերա- բերեալ ամփոփիչ խօսքով հանդէս եկան եւ իրենց տպաւորութիւնները, դիտողութիւններն ու առաջարկները ներկայացուցին Սուրեն Դանիելեան, Յիլտա Փանոսեան- Գալֆայեան, Նշան Որբերեան, Յակոբ Պալ- եան, Ժիրայր Չոլաքեան, Մանուէլ Աղամ- եան եւ ուրիշներ:

Որմէ յետոյ, Սփիլոքի նախարարի տե- ղակալ Սերժ Սրապիոնեան եւ Յի. Աճառեա- նի Անուան Լեզուի հնստիտուտի տնօրէն Վիկոր Կատվալեան պատասխանեցին մասնակիցներուն հարցումներուն:

Ամփոփիչ խօսքով հանդէս եկաւ Սփիլո- քի նախարար Յիլտա Յակոբեան, որ ող- ջունելի նկատեց համաժողովին ընթացքին արտայայտուած միտքերն ու նոր գաղա- փարները ու ներկայացուած առաջարկնե- րը: Ան նշեց, որ ասիկա թերեւս առաջին

շար. Էջ 3 ➔

ՀԵՂՄ-Ի ՀԱՄԱԳՈՐԾՎԱԿՑՈՒԹԵԱՄԲ «ԹՈՒՄԾ» ՍՏԵՂԾԱՐԱԲ ՃԱՐՏԱՐԱԲՈՒԵՍՆԵՐՈՒ ԿԵԴՐՈՆԻՆ ՄԱՍՆԱՅԻՆ ՀԱՅԱԳՈՐԾՎԱԿՑՈՒԹԵԱՄԲ ԳԻՒՄՐԻՒ ՄԷՋ



Մայիս 25-ին Գիւմրիի մեջ տեղի ունեցաւ «Թում» Ստեղծարաբ ճարտարաբուեստներու Կեդրոնի մասնաճիւղին բացման արարողութիւնը, որուն իր մասնակցութիւնը բերաւ և անհաջող է առաջարկելու:

Գիւմրիի «Թում» և այլ մասնաճիւղերու համար: Կեդրոնը սկզբնական շրջանին 600 սաներ միայն ընդունած է իր յարկին տակ, սակայն հետագային հնարաւորութիւն պիտի ունենայ աւելի քան 1000 պատանիներ հիւրընկալելու:

«Թում» Ստեղծարաբ ճարտարաբուեստներու Կեդրոնի մասնաճիւղը արտադրողական ուսումնական միջավայր մըն է, ուր Գիւմրիի եւ յարակից համայնքներու հազարաւոր պատանիներու հնարաւորութիւնը պիտի ընձեռուի տիրապետելու այսպիսի հեռանկարային ասպարեզներու, ինչպիսիք են՝ անհմացիա, տեսախաղերու ստեղծում, կայքերու մշակում, շարժանկարի արտադրութիւն, եռաչափ կաղապարում, ռոպոտաշինութիւն, լուսանկարչութիւն եւ թուային երաժշտութիւն:

Գիւմրիի «Թում» կեդրոնին ստեղծումը նախաձեռնած է ՀՀ Նախագահը, իսկ գաղափարը իրագործած է «Չանթ» հեռուստաընկերութիւնը:

Նը: «Թում» կեդրոնի մասնաճիւղ բացելու նպատակով, 2014 թուականի Նոյեմբեր 7-ին՝ իր հիմնադրման 20-ամեակին առթիւ, «Չանթ» հեռուստաընկերութիւնը «Ապագայի Յամար» խորագրով համազգային հեռուստամարաթոն մը կազմակերպեց: Մարաթոնի եւ յետագայ նույիրատուութիւններու արդիւնքին (մեծ թիւով անհատ նույիրատուներ, գործարարներ ու կազմակերպութիւններ իրենց աշակցութիւնը ցուցաբերեցին համընդհանուր դրամահաւաքին) 300 000 ԱՄՆ տոլար հանգանակուեցաւ:

Յայկական Բարեգործական Ընդհանուր Միութիւնը 75 000 ԱՄՆ տոլար նույիրեց:

«Թում» կեդրոնի գործադիր տնօրին Մարի Լու Փափագեանը լրագրողներուն ըսաւ. «Ուրախ ենք, որ Գիւմրիի մեջ ենք: Անհամբեր կը սպասեինք մեր կեդրոնի բացումին: Արդեն գրանցումը սկսած է եւ Սեպտեմբեր 7-ին կը սկսին դասընթացքները»:

Այստեղի հնարաւորութիւնները 80-90 տոկոսով նոյն են, ինչ Երեւանի կեդրոնինը: Միայն թէ ին 6000 աշակերտ ունինք»:

Իսկ «Թում» ի հիմնադիր Սեմ Սիմոնեան ըսաւ. «Մենք շատ շնորհակալ ենք այս ամենուն համար, որ ըրին Արթուր Եզեկեան ու «Չանթ»

շար. էջ 4

շար. էջ 2-ին

գործնական քայլն էր հայոց լեզուի երկու ճիւղերու մերձեցման ուղղութեամբ: Խնդիրի լուծման յաջորդ քայլը պիտի ըլլայ երեք տարբեր յանձնախումբերու ստեղծումը, որոնք՝ օգտագործելով տեղեկատուական արդի կարելիութիւնները, տարբեր եղանակներով պիտի աշխատին, նիստեր պի-

տի գումարեն, քննարկումներ պիտի կազմակերպեն, պիտի հրապարակեն յօդուածներ եւ ներկայացնեն յստակ առաջարկներ ու խնդիրներու լուծման ուղիներ:

Սոյն համաժողովին Եգիպտոսի որպես ունկնդիր մասնակցեցաւ Տիար Պերճ Թէրզեան:



ԳԱՀԻՐԵՒ ՀԲԸ-Ի ԼՈՒՍԱԿԱՐՉԱԿԱՆ ՄՐՑՈՅՔ-Ը ՄԵԾ ՅԱԶՈՂՈՒԹԻՒՆ ՄԸ

Յիսուն երկար օրեր տեսող, Գահիրելի ՀԲԸ-ի կազմակերպած լուսանկարչական մրցոյթը իր աւարտին հասաւ Յուլիս 15-ին կազմակերպուած հանդիսութեամբ, որ տեղի ունեցաւ Գահիրելի ՀԲԸ-ի Տելիոպոլսոյ Սաքենիկ Չագըր Մշակութային Կեդրոնին մէջ:

Այդ օրը տեղի ունեցաւ բոլոր մասնակիցներուն կողմէ ուղարկուած լուսանկարներուն ցուցադրութիւնը, յաղթական հանդիսացողներուն անուններուն յայտարարութիւնը, ինչպէս նաեւ մրցանակներու բաշխումը:

Իսկապէս, լաւ կազմակերպուած, հիանալի աւարտական հանդիսութիւն մըն էր:

Վերոյիշեալ մրցոյթը, որ յայտարարուած էր Մայիս 29-ին, կը պարփակէր եօթը դասակարգի լուսանկարներ:

Տասներեք արուեստաեր հայ երիտա-

սարդներ մասնակցեցան սոյն մրցոյթին, որկելով ընդամենը 55 լուսանկարներ, որոնք բոլորն ալ մանրամասնօրէն կը լրացնէին մրցոյթին պայմանները:

Ձեռնարկը սկսաւ մասնակիցներուն կողմէ դրկուած լուսանկարներու ցուցադրութեամբ, որոնք իրենց տեսակին համաձայն դասաւորուած էին մուտքի սրահին մէջ եւ միանգամայն հեռարձակուած՝ մեծ պատաժի վրայ:

Մուտքին՝ ներկաներուն կը տրուեին քուեաթուղթեր, ինդրելով որ նշանակեն իրաքանչիւր դասաւորումին լաւագոյն լուսանկարը:

Յիշենք որ միաժամանակ տեղի կ'ունենար իսմիջներու եւ քաղցրաւենիներու պատշաճ հիլրասիրութիւն մը:

Երեկոյեան ժամը 8-ին ներկաները առաջնորդուեցան դէպի գլխաւոր սրահը,

Հար. Եշ 3-Ըն

հեռուստաընկերութիւնը, եւ երախտապարտ ենք բոլոր նուիրատուներուն, որոնք կ'օգնեն մեզի՝ հասնելու մեր նպատակին, որակեալ կրթութիւնը պատանիներուն մատչելի դարձնելով երկրով մէկ»:

Սշենք որ առաջին հիմնադիր Կեդրոնը՝ «Թումո Երեւանը», գործել սկսած է 2011 թուականի Օգոստոսին՝ Սեմ եւ Սիլվա Սիմոնեաններու նախաձեռնութեամբ՝ «Սիմոնեան Կրթական Յիմնադրամ»ի կողմէ, մինչ օրս ուսումնառութիւն ապահովելով աւելի քան 10 000 հայ պատանիներու համար:

Յայաստանի Կեդրոնական դրամատան

«Գիտելիք Յանուն Զարգացման» ծրագրի աջակցութեամբ, 2013-ի Փետրուարին «Թումո» բացուած է նաեւ Դիլիճանի մէջ, որ 300 ուսանող ունի:

«Սիմոնեան Կրթական Յիմնադրամ»ի եւ ՀԲԸ-ի նախագիծով, ինչպէս նաեւ ԼՂՀ կառավարութեան աջակցութեամբ, նախատեսուած է 2015 թուականի Սեպտեմբերին «Թումո»յի մասնաճիւղ մը բանալ նաեւ Արցախ՝ Ստեփանակերտի մէջ՝ 1000 ուսանող ունենալու հեռանկարով:

Յամադրեց՝
Ժաք Մարգարեան





ուր անգամ մը եւս, Յրազդան Գալընեանի կողմէ, սահիկներու վրայ ցուցադրուեցան բոլոր լուսանկարները, որպեսզի իրաքանչիւր անձ, նախքան իր քուեաթուղթը քուետուփին մէջ ձգելը, վերահաստատէ իր կատարած ընտրութիւնը:

Դատական կազմը կը բաղկանար Ալիք Միքայելեանէ, որ վկայուած է Գահիրէի Գերմանական Համալսարանի գեղարուեստից ճիւղէն, եւ արհեստավարժ լուսանկարիչներ՝ Կարօ Վարժապետեանէ ու Թաուֆիք Տաճանիէ:

Անոնք համրեցին քուեսերը եւ Նշանակեցին նախ իրաքանչիւր դասաւորումի չորս լաւագոյն լուսանկարները: Ազա զանոնք լաւ մը քննարկելէ յետոյ, կատարեցին իրենց մասնագիտական ընտրութիւնը՝ յաղթական նշանակելով չորսէն մէկը միայն:

Այսպիսով, լուսանկարչական մրցոյթին յաղթական հանդիսացող եօթը անձերուն անունները գոյ պահարանի մը մէջ դնելով, յանձնեցին Գահիրէի ՀԲԸ-ի ատենապետին, որպեսզի կատարէ յայտարարութիւնը եւ հանդիսաւոր իրադրութեան մէջ յանձնէն նիւթական նուերներն ու վկայագրերը:

Միայն բջիջայինով նկարուած լուսանկարներու ընտրութիւնն էր որ կատարուեցաւ դիմատետրի (face-book) բաց քուերկութեամբ: 402 հոգի մասնակցեցան քուերկութեան եւ առաւելագոյն քուեսերը՝ 139, ստացաւ Ռուպինա Սաատ (ընդհանուր քուեսերու 35 %), իր «Հայ Պար» լուսանկարին համար:

Միւս դասակարգերուն մէջ յաղթող հանդիսացան՝ Վարդան Թերզիաշեան՝ վերացական նիւթին, Մանէ ճիզմէնեան՝ հայկա-

կան նիւթին, Ծովինար Գազանճեան՝ թուային շեշտադրում (Digital enhancement) եւ եգիպտական նիւթերուն, Այգ Զաքարեան՝ բնութեան տեսարան նիւթին եւ Ասիէ ճիզմէնեան՝ ժողովրդական դասակարգ նիւթին մէջ:

Վերջապէս, բոլոր լուսանկարներուն «Լաւագոյնը» մրցանակին արժանացաւ Լեւու Ֆրունճեանի «Գիշերային Յնչիւն» լուսանկարը:

Վերոյիշեալ յաղթական հանդիսացողներն իրաքանչիւրը՝ որպէս նիւթական պարգև ստացաւ 1000 Ե. Ո. եւ յաղթական հանդիսացած ըլլալու վկայագիր:

Դատական կազմը յաւելեալ քաջալերական մրցանակ մը եւս յանձնեց Ռոքսան Քեհեայեանի, իր «Լուքսորի Արեւամուտ» լուսանկարին համար, ինչպէս նաեւ լուսանկարներուն սքանչելի դասաւորումին համար:

Մասնակցութեան եւ գնահատանքի վկայագրեր տրուեցան մրցոյթի բոլոր մնացեալ մասնակցողներուն. Մայք Նապիլի, Ռեյմոն Շանիի, Նանար Գալընեանի, Յրազդան Գալընեանի եւ Մարինա Սիմոնեանի:



Զեռնարկին աւարտին, Գահիրէի ՀԲԸ-ի ատենապետ՝ Տոքթ. Վիգէն ճիզմէնեան շնորհակալութեան խօսք ուղղեց բոլոր մասնակցողներուն որ իրենց ամէն կարելին ըրած էին եւ զանք չէին խնայած այդքան գեղեցիկ եւ տպաւորիչ լուսանկարներ ներկայացնելու համար:

Ան շնորհակալութիւն յայտնեց նաեւ դատական կազմի անդամներուն՝ իրենց անաշար, փորձառու վճիռներուն համար, ինչպէս նաեւ Երիտասարդաց Յանձնախումբի



ՄՐՑԱՆԱԿ
ԾԱՐԱԾ
ՆԿԱՐՆԵՐԻՆ
ՆՄՈՅՑՆԵՐ



անդամներուն, որոնք Ռուբեն Թերզիաց-
եանի եւ Քրիս Միքայելեանի առաջնորդու-
թեամբ, եւ օժանդակութեամբը Հրազդան
Գալընեանի ու Սարօ Պըլըքտանեանի՝ սա-
տարեցին ձեռնարկին յաջողութեան:

Տոքթ. Վիգեն Ճիզմէճեան շնորհակալու-
թիւն յայտնեց նաեւ Ներկաներուն՝ իրենց

քաջալերանքին համար, խոստանալով
այսպիսի այլ մրցոյթներ դարձեալ կազմա-
կերպել մեր երիտասարդներուն թաքնուած
գեղարուեստական ձիրքերը յայտնաբերե-
լու նպատակով:

ՀԲԸ-ի կայքէջն քաղեց՝
Ասայիս Ճիզմէճեան

ՀԱՅ ԵՐԳԻ ՅԱՂԹԵՐԳԻՆ ՄԻՆՉԵՒ ՀԱՅ ՈԳԻԻ ՅԱՂԹԱՐՇԱՐ

Ոգեղինի ոլորտներէն սկիզբ առնելով, դարերու խորքէն մինչեւ մեր ներկան սիրտ-սիրտ ծաւալելով եւ շուրջե-շուրջ փոխանցուելով՝ մեզ է ժառանգուած ՀՎՅ ԵՐԳԸ: Ան այսօր ալ կայ եւ կը մնայ այն անմեկնելի ուժը, որ որպէս հայ մարդու հոգին փրթած յոյզ, որպէս հայրենի քնաշխարհի եւ պատմութեան երաժշտական անեղծ ցոլացում եւ վերջապէս որպէս անօտարելի ինքնութիւն՝ իր հնչիւններու թեւերով կ'ապահովէ մեր համազգային հոգեւոր ողջագուրումը: Գահիրէի հանդիսատեսին ահա, հոգեւոր ճիշդ այդպիսի ոգեղին գրկախառնումի եւ ողջագուրումի երեկոյ մը ընծայեց Հայոց Յեղասպանութեան 100-ամեակի ծիրէն ներս կազմակերպուող, յիշատակի եւ ոգեկոչման ձեռնարկներու, համերգներու գեղարուեստական, ոչ գեղարուեստական եւ այլ միջոցառումներու շարքէն 10 Մայիս 2015-ի աննախադեպ համերգը:

Արդարեւ, մեր համայնքի երգասեր հանդիսատեսը բախտը ունեցաւ վայելելու հայրենի «ԶՈՒԿՐԹՆՈՑ» Վերածնունդի Հիմնադրամի հայ երգի մենակատարներու խումբի կատարումները՝ վաստակաւոր երաժշտներու նուագակցութեամբ, որոնք ժամանած էին Եգիպտոս Գահիրէի Ազգային Առաջնորդարանի յատուկ իրաւերով:

«ԶՈՒԿՐԹՆՈՑ» Վերածնունդի Հիմնադրամը ստեղծուած է 2011 թուականին. անոր հիմնական առաքելութիւնն է հոգեւոր-մշակութային արժեքներու պահպանումն ու վերածնունդը Հայաստանի եւ սփիւռքի մէջ:



Հիմնադիրներն են ամուսիններ Տիգրան Սարգսեանն ու Սուսաննա Բաղդասարեանը: Հիմնադրամի աշխատանքներուն կը գործակին Հայ Առաքելական Եկեղեցին, Հայաստանի Պետական Ֆիլհարմոնիան եւ անշուշտ Երեւանի Կոմիտասի Անուան Երաժշտանոցը:

Հիմնադրամը կ'իրականացնէ հայ դասական, հոգեւոր եւ ժողովրդական երգի քարոզման ու պահպանման ուղղուած բազում ծրագրեր: Այդ ծրագրերն մէկն ալ 2012 թուականին «ԶՈՒԿՐԹՆՈՑ» հայ երգի մրցոյթ-փառատօնն էր, որ իր մեկնարկը առաւ Մոսկովա եւ Սանքտ-Փեթերպուրկ քաղաքներէն եւ շարունակուեցաւ Հայաստանի Հանրապետութեան մարզերով եւ Արցախի տարածքին: Մրցոյթին Հայաստանի յայտագրուած եւ մասնակցած էին շուրջ 3000 երիտասարդ: Ահա, այդ մրցոյթով յայտնաբերուած տաղանդներէն խումբ մըն է, որ, հովանաւորութեամբ Եգիպտոսի Հայոց թեմի Առաջնորդ Գերաշնորհ Տէր Աշոտ Ս. Եպիսկոպոս Մնացականեանի եւ կազմակերպութեամբ Գահիրէի Ազգային Առաջնորդարանի, հիւրախաղային այցով եկաւ Եգիպտոս՝ Գահիրէ եւ Աղեքսանդրիա:

Ասիկա Հայոց Յեղասպանութեան 100-րդ տարելիցին առիթով աշխարհի հայահոծ համայնքներուն մէջ Հիմնադրամի նախատեսած 100 համերգներէն չորրորդն էր:

Գահիրէի համերգին, որ տեղի ունեցաւ Ուսաւական Մշակոյթի Կեդրոնին մէջ, ներկայ եր երաժշտասերներու հոծ բազմութիւն մը, որուն համար «ԶՈՒԿՐԹՆՈՑ»ի այս համերգը, բացի հայ երգի սպասուած տոնախմբութիւն ըլլալէ, նաեւ երգչային նոր ու երիտասարդ բացառիկ ուժերու իրաւ բացայտում մը եղաւ:

Երգիչներու խումբը ներկայացաւ հետեւեալ կազմով. Անահիտ Գիլոսեան, Անուշ Աղաճանեան, Յրաչեայ Սաֆարեան, Միքայել Ուկանեան, Նաիրա Գեղրգեան եւ Ռոման Աւագեան, իսկ նուագահարներու խումբը՝ հետեւեալ կազմով. համոյթի գեղարուեստական դեկավար՝ թառահար եւ



Երգահան Արտեմ աչատովը, ճանիկ ճանոյեան՝ դաշնակ, Օննիկ Օկաննեսով՝ թաւջութակ, Կամօ աչատրեան՝ տիոլ, Սար Պողոսեան՝ տուտուկ եւ Վարդան Բաղդասարեան՝ քամանչա:

Համերգը սկսաւ բարի գալուստի խուռով, որ յանուն Գահիրեի Ազգային իշխանութեան ընթերցեց Տիկ. Լալա Նիկոլեան: Այնուհետեւ խումբի գեղարևստական պատասխանատու՝ Քնարիկ Ղազարեան ներկայացուց համոյթը, անոր ծրագրերը եւ նպատակները: Ապա խումբի անդամները, իրենց ձեռքերուն մէջ պլայացող մոմերով, թեմ բարձրացան եւ միասնաբար հնչեցին Մակար Եկմալեանի «Հայր Մեր»ը, որմէ ետք Նահրա Գեռզեան կատարեց «Կոռունկ»ը (Երկու երգերն ալ հնչեցին առանց նուագակցութեան): Ապա ծայր առաւ հայ տոհմիկ երգի իսկական տօնը՝ կազմուած հայ ազգագրական, յեղափոխական, ժո-



պլայացող մոմերով, թեմ բարձրացան եւ միասնաբար հնչեցին Մակար Եկմալեանի «Հայր Մեր»ը, որմէ ետք Նահրա Գեռզեան կատարեց «Կոռունկ»ը (Երկու երգերն ալ հնչեցին առանց նուագակցութեան): Ապա ծայր առաւ հայ տոհմիկ երգի իսկական տօնը՝ կազմուած հայ ազգագրական, յեղափոխական, ժո-



ղովրդական ու դասական երգացանկէ: Մէկ շունչով ընթացած համերգը մեր հանդիսատեսը փոխադրեց երգի հնչիւններով կերտուած հայոց սրբազան աշխարհ:

Համերգի «առաջին» կատարումը նուագախումբի կատարմամբ Սայեաթ-Նովայի «Եշխեմեդ»ն էր: Վրդէն միայն նուագախումբը կազմող նուագարաններու կազմը (դաշնակ, թաւջութակ, տուտուկ, թառ, քամանչա եւ տիոլ)՝զերծ ելեկտրական ժամանակակից գործիքներէ, կը վկայէր համոյթի դեկավար Արտեմ աչատուրի գեղարուեստա-կատարողական լուրջ, դասական եւ սկզբունքային մօտեցման մասին: Սկզբունք մը, որ վերջին շրջանին ներկայացուող հին երգերու նորովի գործիքաւորումներուն մէջ հազուագիւտ երեւոյթ է:

Այնուհետեւ խառն հերթականութեամբ հնչեցին գերազանցապէս երգային կատարումներ (Մեներգներ, գուգերգեր, եռերգեր ու վեցերգեր), ինչպէս նաեւ նուագարանային կատարում մը:

Յաջորդ կատարումը աշուտ Շերամի «Սիրուն Ես, Յոգեակ» երգն էր, որ ներկայացուց երգիչ մենակատարներու խումբը՝ հանդիսատեսին տալով համերգի երգային կատարումներուն մասին առաջին տպաւորիչ ճաշակը: Մենակատարներու խումբը աւելի ուշ կրկին ելոյթ ունեցաւ՝ կատարելով Ռոպերտ Պետրոսեանի «Հաւատի Երգը»:

Ժողովրդական երգին ընորոշ ընատուր ձայնով Ռոման Աւագեան կատարեց գուսան Հայկազունի «Պիտի Գնանք Վաղ Թէ Ուշ» երգը: Վերջին շրջանի մեր իրականութեան մէջ յեղափոխական կամ ֆետայա-



կան երգերը շատ ուրիշ երգերու պէս համերգային բեմերն սահուն եւ աննկատ անցում կատարած ըլլալով ռեստորանային երգացանկ, հաստատուած են այստեղ՝ ձեռք բերելով ռեստորանային կատարողական որակ: Պետք է խոստովանիլ որ, անձկութեամբ եւ կարօտով կը սպասէինք վերջապէս ուսկսիրել չաղաւաղուած, մաքուր, կենդանի մեկսաբանութիւն մը: Եւ իսկապէս, Ռոմանի առաջին իսկ հնչիւնները շուտով պարզ դարձուցին, թէ անոր հարազատ եւ որակեալ կատարումները շատ-շատերու համար կրնային յեղափոխական-ֆետայական երգի կատարողականութեան իրաւ դաս ու օրինակ ծառայել: Ան այսուհետեւ նոյն վարպետութեամբ կատարեց նաեւ «Թելէ Լաօ Գնանք Մեր Երկիրը Մուշ» ժողովրդական երգը, ապա Դվալի Սկրտիչի «Անդրանիկ» եւ աշուղ Միջազի «Թեղի» երգերը:

Երեւանի Կոմիտասի Անուան Պետական Երաժշտանոցի սան Անահիտ Գինոսեան, սրտայոյգ ու քնարական իր սովորանոյով հնչեցուց կոմիտասեան երգերու փուլչ մը, ինչպէս նաեւ «Զեմ Կրնայ» եւ «Զինչ Ու Զինչ» երգերը: Ան հանդէս եկաւ նաեւ զուգերգով նոյն երաժշտանոցի սան Նահիրա Գեղրգեանի հետ՝ հնչեցնելով Ալեքսէյ Յեքիմեանի «Անուշիկ Իմ Ջոյրիկ» երգը, երգ, որ մեր երաժշտասէր հանրութեան գերազացապէս յայտնի է վաղամեռիկ Վալեայ Սամուելեանի անզուգական կատարմամբ:

Նահիրա Գեղրգեան ունեցաւ եւս երկու մեսերգ՝ Սարդարեանի «Կարօտ» եւ աշուղ

Շահենի «Խոռված Էր» երգերը, որտեղ ցուցադրեց իր հզօր ու ճկուն սովորանուն:

Նուագարանային կատարումով հանդէս եկաւ տուտուկահար Սարօ Պօղոսեան՝ հնչեցնելով ծիրանափողի հնչողութեան անչափ յարիր հայոց «Տլէ Եամանը»:

Անպաճոյճ կատարողականութեամբ եւ ժողովրդական պարզութեամբ առանձնացաւ թառահար եւ երգահան Միքայէլ Ոսկանեանի երգը՝ իր իսկ նուագակցութեամբ: Բազմահմուտ երաժիշտի կատարմամբ հնչեցին աշուղ Շերամի «Օլօր Մոլոր»ը, ինչպէս նաեւ Կոմիտաս Վարդապետի «Եսօր Ուրբաթ Ե» ու «Չուր Կու Գայ» երգերը՝ բոլորն ալ իր մշակումով:

Հասուն կատարողականութեամբ Անուշ Աղաճանեան հնչեցուց Սայեաթ-Նովայի «Թամամ Աշխարհ Պտուտ Եկայ», «Եարեն Երուած Իմ» եւ Խաչատուր Աւետիսեանի «Կապոյտ Թռչուն» երգերը:

Հնչող բոլոր կատարումներուն մեր հանդիսատեսը կ'արձագանգէր շերմութեամբ եւ սիրով: Սակայն երբ բեմ բարձրացաւ Յրաչեայ Սաֆարեան եւ կատարեց Ալեքսէյ Յեքիմեանի «Իմ Անի» երգը, հադիսասրահը թնդաց: Յրաչեայի այս կատարումը, որ իրաւամբ ընդունուեցաւ որոտընդոստ ծափերով, հաւաստումն էր այն բանին, որ հայ երգի կատարողականութեան անգերազանցելի մեկսաբան Ռուբեն Մաթենոսեանն ունի այսօր իր արժանի հետեւորդները եւ անոր հաստատած երգչային կատարողականութեան չափանիշներն ու երբեմնի նուաճած բարձունքները իրագործելի են



Նաեւ մեր օրերուն, այս նոր սերունդին շնորհիլ:

Այսուհետեւ ռազմակոչսակի հասգոյն հնչեց «Չարթիր Լա» ժողովրդական երգը՝ Յրաքեայ Սաֆարեանի աւելի քան խրոխտ կատարմամբ: Ան նոյն ոգիով կատարեց նաեւ Սահակ Սահակեանի «Գետաշեն»ը: Իսկ այս բոլորին թագն ու պսակը հանդիսացաւ Կոնստանդին Պետրոսեանի «Հայաստան» երգը, ուր Սաֆարեան դրաւ երգչային իր ողջ վարպետութիւնը, ձայնի ամբողջ հմայքն ու հոգիի գօրութիւնը:

Յամերգի աւարտին խօսք առաւ «ՉՈՒՂՐԹՆՈՅ» Վերածնունդի Յիմսադրամի հիմնադիր Սուսաննա Բաղրամարեան, որ հակիրճ ներկայացուց բեմի թէ՛ երիտասարդ եւ թէ՛ փորձառու արուեստագետներ, ապա զոյգ յուշանուերներուվ իր շնոր-

հակալութիւնը յայտնեց Առաջնորդ Սրբազն Յօր՝ համերգի կազմակերպման անոր շանթերուն համար եւ ՀՀ Եգիպտոսի Դեսպան Արմեն Մելքոնեանին՝ կարեւոր աշակցութեան համար: Սրբազն Յօր շնորհաւորական, քաջալերական եւ օրինութեան խօսքին հետեւեցաւ համոյթի Եղրափակիչ երգը՝ «Ես Իմ Անոյշ Յայաստանի»ն, որուն հայաբարախ տրոփիլնը իր սրտին մէջ ուկէ հնչիւներով փորագրեց մեր հայրենակարուն հանդիսատեսը:

Այո՛, «ՉՈՒՂՐԹՆՈՅ»ի այս բացառիկ հա-



մերգը հայ երգի իրաւ յաղթերգն եր, եւ երգի յաղթերգ արտայայտութիւնն ալ այստեղ ո՛չ թիւրասացութիւն է եւ ո՛չ ալ բառախաղ, որովհետեւ համոզուած ենք, որ հայ հոգին բխած հայ երգը իր տոհմիկ ու բարձրարևստ կատարման մէջ, երբ կ'արձագանգէ ու կը բազմապատկուի ունկնդիր բազմութեան սիրտերէն ներս, ինընին արդէն յաղթերգ Ե՛ անկախ անկէ թէ ըստ բովանդակութեան այդ երգը օրօրոցային Ե, սիրերգ, շարական՝ թէ այլ բան:

Եւ հայ երգի այդ անլուելի, յարատեւ ծաւալող ու ահագնացող արձագանգն Ե գրաւականը հայ ոգիի յաղթարշաւին, որ կը սպասէ մեզ բոլորին՝ որպէս պարզեւ հայ ինընութեան նկատմամբ հաւատարմութեան:

Միհրան Դագելեան





ԳԱՀԻՐԵՒ ՀԲԸՄ-Ը ԿԲ ՎԵՐԱԿՐՈՏԱՐԱԿԻ «ՀԱՅԵՐԸ ԵԳԻՊՏՈՍԻ ՄԷԶ, ԺԹ. ԴԱՐՈՒՆ» ՀԱՏՈՐԸ




Գահիրելի ՀԲԸՄ-ը վերստին հրատարակեց Տոքթ. Մոհամետ Ռիֆաաթ Էլ Իմամի «Հայերը Եգիպտոսի Մէջ, ԺԹ. Դարուն» հատորը, զոր նախապես լոյս ընծայած էր 1995 թուականին:

506 էջերէ բաղկացած սոյն նկարազարդ ընդարձակ հատորը կը պարփակէ ուշագրաւ տեղեկութիւններ 19-րդ դարուն Եգիպտոսի մէջ հայերու ներկայութեան մասին: Անոնց գալուստը, տարածումը, գործունեութիւնը եւ կատարած դերը՝ Եգիպտական քաղաքական եւ ընկերային կեանքին մէջ:

2003-ին, Գահիրելի ՀԲԸՄ-ը արժեքաւոր այլ հատոր մը եւս հրատարակած էր, 736 էջերէ բաղկացած «Հայերը Եգիպտոսի Մէջ, 1896-Էն 1961», դարձեալ Տոքթ. Մոհամետ Ռիֆաաթ Էլ Իմամի հեղինակութեամբ:

**ՀԲԸՄ-ի կայքէջեն քաղեց՝
Անայիս Ճիզմէճեան**

ՏԻԱՐ ՊԵՐԸ ԹԷՐՁԵԱՆԻ «ՄՐՏՅԱՆ ԿՈՉ ՀԱՅՈՑ ԼԵԶՈՒԻՆ ՀԱՄԱՐ» ԳՐ-ՔՈՅՑԿԸ



Վերջերս Գահիրելի մէջ լոյս տեսաւ Տիար Պերծ Թէրզեանի «ՄՐՏՅԱՆ ԿՈՉ ՀԱՅՈՑ ԼԵԶՈՒԻՆ ՀԱՄԱՐ» գրքոյկը:

Յիրաւի, հայութեան ուղղուած «սրտցաւ կոչ» մըն է գոքոյկը, որուն մէջ արծարծուող հարցը՝ հայկական զանգուածային լրատուամիջոցներու գործածած աղաւաղուած լեզուն է, ուր «...լեզուէն բռնագաղթուած հարազատ հայերէն բառերու փոխարէն օտար եւ անհարազատ բառեր գործածելու ցաւալի երեւոյթը» կը տիրապետէ:

Գոքոյկը կը շօշափէ հայրենիքի մէջ գործածուող հայերէնը «հայացնելու», արեւելահայերէնը աղաւաղումէ զերծ պահելու հարցը.

Ահա այդ մտահոգութենէն մղուած, Տիար Պերծ Թէրզեան իր արծարծած խնդիրները կը ներկայացնէ ՀՀ-ի պատկան մարմիններուն եւ բարեխնդօրէն կը շարունակէ հետամուտ ըլլալ հարցին լուծումին:

40 էջերէ բաղկացած այս աշխատութիւնը կ'ընդգրկէ հետեւեալ վեց բաժինները. «Լուսաբանութիւն», որ պատկերացում կու տայ բովանդակութեան մասին, որմէ յետոյ կու գան մնացեալ նիւթերը՝ «Հայոց Լեզուն ՀՀ-ի Մէջ Վտարանդի», «Տիար Սերգօ Երիցեանի Պատասխանը», «Տեղինակին Պատասխանը», «Տիար Սերգօ Երիցեանի Բ. Պատասխանը» եւ «Յեղասպանութեամբ՝ Լեզուասպանութիւն» յայտարարութիւնը, որ «Մեր Լեզուն Մեր Հայրենիքն է» գիտաժողովին կողմէ հրապարակուած է:

Կը շնորհաւորենք Տիար Պերծ Թէրզեանը այս նոր հրատարակութեան համար եւ նորանոր յաջողութիւններ կը մաղթենք իրեն:

«Տ»



ԳՐԻԳՈՐ ԵՊԻՍԿՈՊՈՍ ԿԱՊՐՈՅԵԱՆ՝ ՏԱՆՆ ԿԻԼԻԿԻՈՅ ԿԱԹՈՂԻԿԵ ՀԱՅՈՅ 20-ՐԴ ԿԱԹՈՂԻԿՈՍ-ՊԱՏՐԻԱՐՔ ԸՆՏՐՈՒԹ



2015-ի Յուլիս 25-ին, Զմմառի աթոռանիստ մայրավանքին մեջ համախմբուած, Յայ Կաթողիկէ Եկեղեցւոյ Արքեպիսկոպոսներու Եւ Եպիսկոպոսներու ընտրական դժուփակ Սիւնհոդոսը ընտրեց Տանն Կիլիկիոյ Կաթողիկէ Յայոց 20-րդ Կաթողիկոս-Պատրիարքը՝ յանձին Ֆրանսահայ կաթողիկէ համայսքին վաստակաւոր առաջնորդ, Արհիապատիւ Գրիգոր Եպիսկոպոս Կապրոյեանի, որ ընտրեց Գրիգոր - Պետրոս ի անունը:

Ան կը յաջորդէ Երջանկայիշատակ Ներսէս Պետրոս Ժթ Կաթողիկոս-Պատրիարքին, որ իր մահկանացուն կնքեց 25 Յունիս 2015-ին:

Նորընտիր Կաթողիկոս-Պատրիարքը ծնած է Յալէպ՝ 1934-ին:

Իբրեւ Զմմառի միաբան կուսակրօն քահանայ ձեռնադրուած է ՊԵՐՈՒԹ՝ 28 Մարտ 1959-ին: 1960-ին պաշտօնավարած է Զմմառի կղերանոցին մեջ, ապա 1962-1969 Եղած է տեսուչ Մեսրոպեան Վարժարանին, իսկ 1969 - 1975՝ տեսուչ Զմմառի դպրեվանքին Եւ քարտուղար համանուն վանքին գործադիր խորհուրդին:

Եպիսկոպոս օծուած է 13 Փետրուար 1977-ին՝ ՊԵՐՈՒԹի Ս. Փրկիչ Եկեղեցւոյ մեջ:

1976-ին, Ս. Աթոռին կողմէ ան կը նշանակուի Ֆրանսայի հայ կաթողիկէ-ներու առաջնորդ, ուր կը մնայ մինչեւ 2013 Ապրիլ՝ իր հանգստեան կոչուիլը:

Գրիգոր - Պետրոս ի Կաթողիկոս-Պատրիարքի գահակալութեան արարողութիւնը նախատեսուած է 9 Օգոստոսին՝ Զմմառի աթոռանիստ մայրավանքին մեջ:

ԵՐԱՆԱՇՆՈՐՀ ՆԵՐՍԻ ՊԵՏՐՈՍ ԺԹ. ԿԱԹՈՂԻԿՈՍ ՊԱՏՐԻԱՐՔԻՆ ՎԵՐԶԻՆ ՀՐԱՄԱՆԾԱԾ ՏՈՒԻՆ ՀԱՄԱՅՆ ԿԱԹՈՂԻԿԻ ԵԿԵՂԵՑԻՆ, ԱՐԵՒԵԼԵԱՆ ԵԿԵՂԵՑԻՆԵՐԸ, ՀԱՅՈՒԹԻՒՆԸ ԵՒ ԼԻԲԱՆԱՆԸ

Տան Կիլիկիոյ Կաթողիկէ Հայոց Ներսէս Պետրոս ԺԹ. Կաթողիկոս Պատրիարքը ի Տեր հանգաւ Յինգաբթի, 25 Յունիս 2015-ին: Երանաշնորհ Կաթողիկոս Պատրիարքին թաղումը եւ յուղարկաւորութիւնը տեղի ունեցան 30 Յունիս 2015, Երեքշաբթի յետմիջօրէի ժամը 4.00-ին, Սուլր Գրիգոր Լուսաւորիչ-Սուլր Եղիա աթոռանիստ Եկեղեցւոյ եւ Սրբոյ Կուտիս Աւետման Եկեղեցւոյ մէջ:

Անոնք վկայութիւնը հանդիսացան այս յարգանքին, սիրոյն եւ համարումին, զորս համայն կաթողիկէ աշխարհը, Արեւելեան Եկեղեցիները, Հայութիւնը եւ Լիբանան՝ յանձին Երջանկայիշատակ Հայրապետին, կը տածեն հանդեպ Հայ կաթողիկէ Եկեղեցւոյ եւ համայնքին:

Արդարեւ, Երանաշնորհ Հայրապետի թաղման եւ յուղարկաւորութեան, աթոռանիստ Եկեղեցին եւ մինչեւ Եկեղեցւոյ գալիթը լեցնող հաւատացեալներու բազմութեան առաջին շարքերուն վրայ, կը գտնուեին Վատիկանի Արեւելեան Եկեղեցիներու ժողովի վարիչ կարդինալ Լեոնարտո Սանտորի, Լիբանանի մօտ Պապական Նուիրակ Կապրիելէ Եպիսկոպոս Ջաջիա, Հայաստանի Հանրապետութեան նախագահ Սերժ Սարգսեանի Ներկայացուցիչ՝ Սփիլքի նախարար տիկին Յրանուշ Յակոբեան՝ ընկերակցութեամբ Լիբանանի եւ Վատիկանի մօտ Հայաստանի դեսպաններ Աշոտ Ջոշարեանի եւ Միջայէլ Մինասեանի, Լիբանանի խորհրդարանի նախագահ Նեպիհ Պըրորիի եւ Վարչապետ Թամամ Սալամի Ներկայացուցիչներ՝ Երեսփոխան Միշէլ Մուսա եւ Նախարար Ալէն Յաքիմ, Լիբանանի Հանրապետութեան նախկին նախագահ Միշէլ Սլեյման, Լիբանանի կաթողիկէ պատրի-



արքներու եւ Եպիսկոպոսներու Խորհուրդի նախագահ կարդինալ Պշարա Ռաի, Մեծի Տան Կիլիկիոյ Կաթողիկոս Արամ Ա., Ամենայն Հայոց Գարեգին Բ.ի Ներկայացուցիչ սրբազն հայրեր, տարբեր համայնքներու պատրիարք եւ առաջնորդ հայրեր, նախարարներ, Երեսփոխաններ, լիբանանեան եւ հայկական կուսակցութիւններու եւ կազմակերպութիւններու, մամուլի, բանակի եւ ապահովութեան ուժերու հրամանատարներու Ներկայացուցիչներ եւ Երջանկայիշատակ Կաթողիկոս Պատրիարքի հարազատներ:

Եկեղեցւոյ մայր դրան Երկու կողմերը ծածկուած էին պետական եւ պաշտօնական անձնաւորութիւններու ու կազմակերպութիւններու կողմէ դրկուած ծաղկապսակներով: Պատրիարքները եւ պետական Ներկայացուցիչները կը դիմաւորուեին ՀԿՄ շեփորախումբին եւ պատուի կանգնած հայ կաթողիկէ սկաուտներուն ու պատանիներուն կողմէ:

Երանաշնորհ Հայրապետին մարմինը ամփոփող դագաղին ժամանումը դիմաւորւեցաւ յուզումնախառն լրութեամբ, մինչ ՀԿՄ.ի շեփորախումբը կը ինչեցնէր Շոփենի մահերգը: Ան ուսամբարձ փոխադրուեցաւ մինչեւ խորան, ուր դիմաւորուեցաւ հանդիսաւորապէս զգեստաւորուած սիւնիդոսական հայրերուն կողմէ, գլխաւորութեամբ Պատրիարքական Կառավարիչ արհիապատիւ Գրիգոր Եպիսկոպոս Կապրոյեանին, մինչ պատրիարքական «Կռունկ» Երգչախումբը կը ինչեցնէր թաղման եւ յուղարկաւորութեան կարգին յատուկ հայկական հոգեպարար շարականներ:

Թաղման եւ յուղարկաւորութեան մեծաշուրջ արարողութեանց աւարտին, յա-



Նուև Յայ կաթողիկէ Սիւնիոդոսին դամբանական արտասանեց արհիապատիւ Գրիգոր Եպիսկոպոս Կապրոյեան:

Դամբանախօս գերապայծառը ի միջի այլոց անդրադարձաւ որ Երանաշնորհ Յայրապետին հետեւողական աշխատանքին կը պարտինք Սուրբ Գրիգոր Նարեկացիին Տիեզերական Եկեղեցւոյ Վարդապետ հոչակումը եւ Յայոց ցեղասպանութեան 100-րդ տարելիցին նուիրուած սուրբ Պատարագին մատուցումը Ֆրանչիսկոս Քահանայապետին կողմէ Ապրիլի 12-ին:

Այսուհետեւ դամբանականը արաբերենով ընթերցեց արհիապատիւ Յովիաննես Եպիսկոպոս Թեյրուգեան:

Ապա, Ֆրանչիսկոս Սրբազան Քահանայապետին ցաւակցագիրը կարդաց կարդինալ Լեռնարտո Սանտրի:

Սուրբ Գրիգոր Լուսաւորիչ - Սուրբ Եղիա աթօռանիստ Եկեղեցւոյ աւագ ժողովրդապետ գերյարգելի Գեորգ ծ.վ. Եղիայեան խօսք առնելու հրաւիրեց մարոնիթ Եկեղեցւոյ Ռահ Կարտինալ Պատրիարքը, որ Լիբանանի կաթողիկէ պատրիարքներու ու Եպիսկոպոսներու Խորհուրդին անունով ցաւակցութիւն յայտնելէ Ետք Յայ կաթողի-

կէ Եկեղեցւոյ, անդրադարձաւ Երջանկայիշատակ Յայրապետի հոգեւոր արժանիքներուն եւ ծառայողական ոգիին:

Ապա, Գարեգին Բ. Ամենայն Յայոց Կաթողիկոսին ցաւակցագիրը կարդաց հայր Մաշտոց Վարդապետ Զահերեան:

Ասոր յաջորդեց Յայաստանի Յանրապետութեան Սփիլոքի Նախարար տիկին Յանուշ Յակոբեան, որ կարդաց Նախագահ Սերժ Սարգսեանի ցաւակցագիրը:

Թաղման կարգը աւարտեցաւ Արամ Ա. Կաթողիկոսի եւ արհիապատիւ հայր Գրիգոր Եպիսկոպոս Կապրոյեանի աղօթքով եւ օրինութեամբ:

Աւարտին, Արհիապատիւ Կապրոյեան եւ սիւնիոդոսական հայրերը տեղլոյն վրայ ընդունեցին ներկայ Պատրիարքներուն եւ պաշտօնական անձնաւորութիւններուն ցաւակցութիւնները: Մինչ այդ կը կազմակերպուեր Երանաշնորհ Յայրապետին մարմինը ամփոփող դագաղին փոխադրութիւնը իր վերջին հանգստավայրը՝ Աւտումն Սրբոյ Կուսին Եկեղեցի, ուր տեղի ունեցաւ թաղումը պատրիարքներու դամբարանին մեջ՝ համաձայն իր ցանկութեան:

«ՏԵՂԵԿԱՏՈՒ»ի նախորդ թիւով լոյս ընծայած էինք Տան Կիլիկիոյ Կաթողիկէ Յայոց Ամենապատիւ Ներսէս Պետրոս ժթ Կաթողիկոս-Պատրիարքին, պարբերաթերթիս խմբագրութեան ուղղուած գնահատանքի նամակը:

Դժբախտաբար, չէինք գիտեր թէ հոգելոյս Պատրիարքին շիշումով, այդ գնահատանքի արտայայտութիւնը իր հրաժշտի խօսքը պիտի ըլլար:

Կենսագրական գիծեր.

ԱՄԵՆԱՊԱՏԻՒ ՏԵՐ ՆԵՐՍԵՍ ՊԵՏՐՈՍ ԺԹ. ԿԱՑՈՂԻԿՈՍ-ՊԱՏՐԻԱՐՔԻ

Ծնած է Գահիրէ, 17 Յունուար 1940-ին: Իր նախնական եւ Երկրորդական ուսումնական ստացած է Գահիրէի Ֆրերներու Վարժարանին մեջ:

Կանուխեն քահանայական կոչում զգալով, ան ղոկուած է Յօնմ, Լեւոնեան Քահանայապետական Յայ Դպրեվանքը, եւ յաճախած է Գրիգորեան Յամալսարանը փիլիսոփայութիւն եւ աստուածաբանութիւն ուսանելու:

Քահանայ ծերնադրուած է Գահիրէ, 15 Օգոստոս 1965-ին, ծեռամբ թեմին Առաջնորդ՝ Ռաֆայէլ Եպիսկոպոս Պայեանի եւ ստանձնած՝ Գահիրէի ժողովրդապետութեան պատասխանատուութիւնը, օժանդակելով գերապատիւ հայր Յովիաննես Վարդապետ Գասպարեանի, յետագային՝ Յովիաննես Պետրոս Ժթ. Կաթողիկոս Պատրիարք:

1968-ին 1990 եղած է ժողովրդապետ Յելինպոլսոյ (Գահիրէ) Եկեղեցւոյ, յատկապես քա-



շալերելով զանազան հոգեւոր շարժումներու գործունեութիւնը:

18 փետրուար 1990-ին, Աղեքասնդրիկ Յայ Կաթողիկէ Թեմին Առաջնորդ օծուած է ձեռամբ Ամենապատիւ Յովիաննես Պետրոս ԺՇ. Կաթողիկոս Պատրիարքին:

1992-էն 1997, իբր անդամ Եգիպտոսի կաթողիկէ Նուիրապետութեան, ընդիանուր քարտուղարի պաշտօն վարած է Եգիպտոսի Կաթողիկէ Եկեղեցիներու Յովուական խորհուրդին:

Ընտրութիւն

1999 Յոկտեմբեր 7-ին, Յայ Կաթողիկէ Եպիսկոպոսաց Սիւնհոդոսին կողմէ ընտրուած է Կաթողիկոս Պատրիարք Տանն Կիլիկիոյ Կաթողիկէ Յայոց եւ առած է Ներսէս Պետրոս ԺՇ. անունը:

Գահակալութեան արարողութիւնը տեղի ունեցած է նոյն ամսուան 24-ին: 13 Դեկտեմբեր 1999-ին՝ Եկեղեցական Յաղորդութիւն ստացած է Յովիաննես Պողոս Բ. Սրբազն Քահանայապետին կողմէ:

Գլխաւոր իրագործումներ

Թիկունք կանգնած է համայնքի վարժարաններու ծաղկումին ու վերելքին, մանաւանդ բանալով երկրորդականի բաժինը Յարպոյեան վարժարանին մեջ եւ վերաբանալով միջնակարգի բաժինը Այնձար:

Զաշալերած է լրատուական միջոցները, յատկապես վերահրատարակութիւնը պատրիարքութեան թեմի «Մասիս» ամսաթերթին:

Յոկտեմբեր 7, 2001-ին Յայաստանի քրիստոնեացման 1700-ամեակին առիթով, իր խնդրանքին ընդառաջելով Յուսի «Սուլը Պետրոս» իրապարակին վրայ, Յայոց ցեղասպանութեան ընթացքին նահատակուած Մարտինի Առաջնորդ հենատիոս Արքապիսկոպոս Մալոյեանը Երանելի հոչակուեցաւ Յովիաննես Պողոս Բ. Սրբազն Քահանայապետին կողմէ:

Փետրուար 2002-ին, կը իիմնէ Մոսկուայի առաջին ժողովրդապետութիւնը՝ նոր առաքելութիւն մը սկսելու համար Ռուսաստանի մեջ, շարունակելով 1991-ի Յայաստանի եւ Վրաստանի մեջ սկսուած առաքելութիւնները:

Յունուար 2005-ին, Յոգեւոր Տիրոջ խնդրանքին ընդառաջելով եւ Յովիաննես Պողոս Բ. ի ներկայութեամբ ու օրինութեամբ, Կատիկանի «Սուլը Պետրոս» Պազիլիքայի արտաքին պարիսպին վրայ մեծ հանդիսութեամբ կը կատարուի գետեղումը սուրբ Գրիգոր Լուսաւորչի արձանին:

Յունուար 2005-ին, սուրբ Գրիգոր Նարեկացիի մահուան հազարամեակին առիթով, Յուսի մեջ կը կազմակերպէ գիտաժողով մը, որուն հեռակայ նպատակն եր սուրբ Գրիգորը «Տիեզերական Եկեղեցւոյ Վարդապետ» հոչակել տալ:

Յուլիս 2006-ին, Լ. Ղ. Ր. ի նախագահին հրաւերով, կ'այցելէ Ղարաբաղ:

Պատմութեան մեջ առաջին անգամն եր որ Յայ Կաթողիկէ Կաթողիկոս Պատրիարք մը կ'այցելէր Ղարաբաղի Յանրապետութիւն:

Փետրուար 2008-ին, Յոգեւոր Տիրոջ նախաձեռնութեամբ, Բենեդիկտոս ԺՇ. Սրբազն Քահանայապետը մեծ հանդիսութեամբ բացումը կատարեց եւ օրինեց սուրբ Գրիգոր Լուսաւորչի անուան Յրապարակը՝ ներկայութեամբ Եկեղեցական եւ քաղաքական հայ թէ օտար բարձրաստիճան անձնաւորութիւններու, կղերականներու, մայրապետներու եւ Յումեն ու զանազան երկիրներէ ժամանած հայ ուխտաւորներու:

Ն.Ս. Ֆրանչիսկոս Քահանայապետը՝ ընդառաջելով իր խնդրանքին, 2015-ի Ապրիլ 12-ին, Յայոց Յեղասպանութեան 100-րդ տարելիցին առթիւ սուրբ Պատարագ մատուցանեց Կատիկանի «Սուլը Պետրոս» Պազիլիքային մեջ եւ սուրբ Գրիգոր Նարեկացին հոչակեց Տիեզերական Եկեղեցւոյ Վարդապետ:

Յընթացս սուրբ պատարագի արտասանած խօսքին մեջ Քահանայապետը յատուկ կերպով յիշատակեց Յայոց Յեղասպանութիւնը եւ անոր մեկուկես միլիոն զոհերը՝ իբրեւ նահատակներ եւ մեղսակցութիւն նկատեցայս պատմական իրողութեան մասին լրութիւնը:



ՀԵՂԻՈՊՈԼՍՈՅ ՀՄԸՆ ՆՈՒԹԱՐԻ 2015-Ի ԱՄԱՌՆԱՅԻՆ ԵՎԱՆԱԿԻ ԲԱՑՈՒՄԸ



Հեղիոպոլսոյ ՀՄԸՆ ՆՈՒԹԱՐԻ ակումբի ամառնային եղանակի աւանդական բացումը տեղի ունեցաւ Կիրակի, 31 Մայիսին, ակումբին դալարագեղ, օդասուն պարտեզին մէջ:

Բացումին ներկայ գտնուեցան աւելի քան 150 անդամներ, համակիրներ եւ հիւրեր, որոնք եկած էին ընկերական շերմ մթնոլորտի մը մէջ հաճելի երեկոյ մը անցընելու:

Երեկոյթին բացումը կատարեց ակումբի ժրաշան ատենապետ՝ Տիար Ժիրայր Տեփոյեան: Ան իր հակիրճ բացման խօսքով ողջունեց ներկաները եւ ապա զանոնք հրաւիրեց ճաշակելու Տիկնանց Յանձնախումբի նուիրեալ անդամուհիներուն կողմէ պատրաստ-

ւած այլազան համեղ աղցանները եւ բազմատեսակ համադամ ուտելիքները:

Ներկաները ակումբին օդասուն պարտեզին մէջ մինչեւ ուշ գիշեր վայելեցին երեկոյեան զով օդը եւ հաճելի մթնոլորտը:

Աւանդական վիճակահանութենեն ետք, անոնք սկսան մաս առ մաս մեկնիլ, հաճելի երեկոյ մը անցուցած ըլլալու գոհունակութեամբ:

Ծնորհաւորելի է Տիկնանց Յանձնախումբի ժրաշան անդամուհիներուն տարած այս գովելի աշխատանքը:

Վարձքը կատար բոլորին:

ՀԲԸ-ի կայքէջն քաղեց՝
Անայիս ճիզմէնեան





ԱՊԵ-ՔՍԱՆԴՐԻՈՅ ՀՄԵՍ ՆՈՒՊԱՐԸ ԿԸ ՎԵՐԱՆՈՐՈԳ-Է ԻՐ ՄԱՐԶԱԿԱՆ ՀԱՆԴԵՐՁԱՐԱՆՆԵՐԸ



Եգիպտահայ պասքեթ պոլի ամառնային եղանակի աւանդական մրցաշարքերու սեմին, Աղեքսանդրիոյ ՀՄԵՍ ՆՈՒՊԱՐԸ աւարտեց իր հանդերձարաններուն վերանորոգութիւնները:

Զրցայտերը, զուգարանները, երդիքները, ինչպէս նաև հանդերձարաններու ներքնամասերը, բոլորը վերանորոգուեցան, պատերը մաքրուեցան ու ներկուեցան:

Այս բոլոր վերանորոգութիւնները իրագործուեցան շնորհիւ ակումբին պատասխանատուներուն ջանքերուն եւ նիւթական օժանդակութեամբ Գահիրէի ՀԲԸ-ին:

ՀԲԸ-ի կայքէջն քաղեց՝
Ասայիս ճիզմէճեան

ԱՊԵ-ՔՍԱՆԴՐԻՈՅ ՀՄԵՍ ՆՈՒՊԱՐԸ ԲԱՑՈՒՄԸ ԿԸ ԿԱՏԱՐԷ 2015-Ի ԱՄԱՌ-ՆԱՅԻՆ ԵՂԱՆԱԿԻՆ

Աղեքսանդրիոյ ՀՄԵՍ ՆՈՒՊԱՐԻ ամառնային եղանակի բացումը տեղի ունեցաւ Ուրբաթ, Յուլիսի 12-ին՝ իր կեղրոնատեղիին մէջ: Բացումին ներկայ էին ակումբին անդամները, բազմաթիւ համակիրներ եւ իիւրեր, որոնք ընտանեկան ջերմ մթնոլորտի մը մէջ ըմբոշինեցին ամառնային մեղմ գեփիւռը, հաճելի երաժշտութիւնը եւ հրամցուած համադամները:

Այլազան աղցաններու եւ ուտեստեղիններու ճոխ շքասեղանը արգասիքն եր ակումբին Տիկնաց Յանձնախումբի ժրաշան անդամուիիներուն միացեալ ջանքերուն: Վարձքը կատար բոլորին:

ՀԲԸ-ի կայքէջն քաղեց՝
Ասայիս ճիզմէճեան





ԱԴԵՔՍԱՆԴՐԻՈՅ ՀՄԵՌ ՆՈՒՊԱՐԻ ՑՈՒԼԻՍ 2015-ԻՆ ԿԱԶՄԱԿԵՐՊԱԾ ՄՐՑԱՇԱՐ-ՔԸ

2015-ին եգիպտահայ պասքեթ պոլի մրցաշարքերուն առաջինը կազմակերպած էր Աղեքսանդրիոյ ՀՄԵՌ ՆՈՒՊԱՐ Ուրբաթ, 24 Յուլիսին մինչեւ Կիրակի 26 Յուլիս՝ մասնակցութեամբ Գահիրեի եւ Աղեքսանդրիոյ մարզական հինգ ակումբներուն:

Սոյն մրցաշարքը կը վայելէր հովանաւորութիւնը Գերշ. S. Աշոտ Ս. Եպս. Մնացականեանի՝ Բարեխնամ Առաջնորդ Եգիպտոսի Հայոց Թեմին եւ Նախազահութիւնը Տոքթ. եւ Տիկին Վիզեն Ճիզմենեանի՝ ատենապետ Գահիրեի ՀԲԸ-ի: Մրցաշարքին ներկայ էր Աղեքսանդրիոյ Հայոց հոգեւոր հովիւ Արժ. Տէր Գրիգոր Մուրատեանը:

Ուրբաթ, 24 Յուլիսին առաջին մրցումը Գահիրեն ՀՄԵՌ Արարատի եւ Ս. Թերեզայի խումբերուն միջեւ էր: Արարատի մարզից իր լաւ խաղացողներով արդիւնքի առաւելութիւն ապահովելէ Ետք, փոխարինեց զանոնք պատանի մարզիկներով, որոնք խկապես շատ լաւ խաղարկութիւն ցուցաբերեցին ու մրցումը աւարտեցաւ ի նպաստ իրենց 65-51 արդիւնքով:

Երկրորդ մրցումը Աղեքսանդրիոյ Երկու խումբերուն՝ ՀՄԵՌ ՆՈՒՊԱՐի եւ ՀՄԵՌ Կամքի միջեւ էր:

Առաջին իսկ վայրկեանին մրցումը տաք էր ու այդպես ալ շարունակուեցաւ մինչեւ մրցումին աւարտը յայտարարող իրաւուարին սուլիչին հնչելը: Ուժերը գրեթե հաւասար ըլլալուն, արդիւնքի տարբերութիւնը շատ քիչ էր եւ Երկու խումբերը յաղթանակ արձանագրելու հեռապատկերով կը խաղային: Սակայն մեկ թիվի առաւելութեամբ՝ 50-49, Աղեքսանդրիոյ ՀՄԵՌ ՆՈՒՊԱՐ կարողացաւ Կիրակի օրուան աւարտականին հասնիլը ապահովել:

Ծաբաթ օրուան մրցումը նախորդ օրուան առաջին մրցումին յաղթական՝ ՀՄԵՌ Արարատի եւ Յելինակուլսոյ ՀՄԵՌ ՆՈՒՊԱՐի միջեւ էր: Նախքան մրցումին սկսիլը, որ յապահեցաւ աւելի քան մեկ ու կես ժամ՝ Ելեկտրական խանգարումի պատճառով, ակումբին ատենապետ Տիկին Կարպիս Թօսունեան բարի գալուստ մաղթեց բոլորին, ապա Ներկայացուց մրցակից խումբերուն

մարզիկները:

Մրցումը սկսելէ առաջ, մեկ վայրկեան յոտնկայս լոութեամբ յարգուեցաւ յիշատակը Յելինակուլսոյ ՀՄԵՌ ՆՈՒՊԱՐի գանձապահ, ողբացեալ Լեւոն Նիկոլեանի ու իր զաւկին՝ Անթընիի, որոնք ամիս մը առաջ զոհ գացած էին ինքնաշարժի ահաւոր արկածի մը:

Մրցումը սկսաւ ու շարունակուեցաւ Յելինակուլսոյ ՀՄԵՌ ՆՈՒՊԱՐի գերազանցութեամբ ու արդիւնքի տարբերութիւնը հասաւ մինչեւ 15 թիվի: Սակայն չորրորդ քառորդախամին Արարատի տղաքը իրերայացորդ յաջող արձակումներով շփոթութեան մատնեցին Յելինակուլսոյ ՀՄԵՌ ՆՈՒՊԱՐի տղաքը եւ արդիւնքի տարբերութիւնը նուազեցնելով 2 թիվի, անտեղի սիրտհատնումի մատնեցին ՀՄԵՌ ՆՈՒՊԱՐի համակիրները: Խաղին վերջին մի քանի վայրկեանները ճակատագրական դարձան, քանի որ մեկ խումբին սխալ խաղարկութիւնը պիտի ապահովեր միւսին յաղթանակը:

Երբ իրաւարարին վերջին սուլիչը հնչեց, արդիւնքը 71-68 էր՝ ի նպաստ ՀՄԵՌ ՆՈՒՊԱՐին:

Յիւրընկալ ակումբին վարչութիւնը բացօթեայ ապահանուես-իրախճանք մը կազմակերպած էր յունական Enosi ակումբին մեջ, որուն ընդառաջած էին աւելի քան 150 հոգի: DJ Այգ Գալայճեան երեկոն սկսաւ ֆրանսերէն ու իտալերէն սիրուած իին երգեր հրամցնելով, մինչեւ որ գեղեցկորէն յարդարուած սեղանները բոլորովին գրաւուեցան ակումբին համակիրներով, մարզիկներով եւ մեծ թիւով Գահիրեն եկած մարզասերներով:

Աղցաններու եւ ուտելիիքներու ազատ շքասեղանին ետք, DJ Այգ խանդավառ մթնոլորտ մը ստեղծեց ու պարայարթակը շուտով խճողուեցաւ ամեն տարիքի պարողներով: Երոպական երգերուն կողքին հնչեց նաեւ շուրջպարը:

Ժամանակը անզգալաբար բաւական յառաջացած էր, երբ սկսաւ վիճակահանութիւնը:

Խսկապես շատ գնահատելի աշխատանք



տարուած էր մեծ թիւով ընտիր նուերներ պատրաստելու համար եւ աւելի քան 40 բախտաւոր ներկաներ ստացան օգտակար ու ճաշակաւոր պարգևներ:

Առաւտեան ժամը երեքը անց էր արդեն, երբ բոլորը ակամայ իրաժեշտ տալ սկսան:

Կիրակի, 26 Յուլիսի աւարտական մրցումն առաջ, ակումբին աղջիկներու խումբը խաղաց տեղական Ել Դրամ խումբին դեմ, յաղթեց ու տիրացաւ բաժակին, որ նուիրած էին Տիկին Գարին Պասմաճեան-Կարկուրա եւ Տիար Անդրօ Պասմաճեան՝ ի յիշատակ իրենց մօր՝ ողբացեալ Նուարդ Պասմաճեանի:

Մարզասէր հասարակութիւնը անգամ մը եւս յոտնկայս յարգեց Աղեքսանդրիոյ ՀՍԸ ՆՈՒՊԱՐի երկարամեայ գործունեայ անդամներ ողբ. Գերգ Փիլիկեանի եւ ողբ. Զապէլ եւ Նուարդ Պասմաճեաններու յիշատակը:

Աւարտական մրցումը երկու ՀՍԸ ՆՈՒՊԱՐներուն միջեւ էր: Տրուած ըլլալով որ մակարդակի մեծ տարբերութիւն կայ երկու խումբերուն միջեւ, Յելիոպոլսոյ ՀՍԸ ՆՈՒՊԱՐի մարզիչը առիթը տուաւ պատասի մարզիկներուն որ խաղան գրեթէ ամբողջ մրցումը: Մտերմիկ ու խաղաղ խաղարկութիւն մը վայելեցին ներկաները ու մրցումը աւարտեցաւ ի նպաստ Յելիոպոլսոյ ՀՍԸ ՆՈՒՊԱՐի 65-46 արդիւնքով:

Ապրին Յելիոպոլսոյ ՀՍԸ ՆՈՒՊԱՐի տղաքը, որոնք 2015-ի առաջին բաժակին տիրացան:

Յաղթական խումբին քարթէն, Տիար Արմեն Վարժապետեանի յանձնուեցաւ Յելիոպոլսոյ ՀՍԸ ՆՈՒՊԱՐի վարչական անդամ Տէր եւ Տիկին Կարօ Վարժապետեանի այս մրցումին համար նուիրած բաժակը: Բոլոր մարզիկները ստացան մրցաշարքին մետայլները, որոնք նուիրուած էին Տէր եւ Տիկին Վարդ Աղեքսանեանի կողմէ:

Գսահատանքի արժանի է Աղեքսանդրիոյ ՀՍԸ ՆՈՒՊԱՐի վարչութիւնը՝ յաջող մրցաշարք եւ պարահանդէս կազմակերպելուն համար:


Իսկ յաղթական խումբին պատասխանատու Պր. Յակոբ Գարակէօգեանին, օգնական Պր. Ջրիս Սիմոնեանին, մարզիչ Ամր Աշուրին եւ օգնական Ալա Չահրանին կը շնորհաւորենք ու նորանոր յաղթանակներ կը մաղթենք:

Խոսի Ներետեան-Յակոբեան





ՄԱԿ ԵՒ ԱԶԳԱՅԻՆ ՅՈՒԴԵՐԿԱՌՈՐՈՇԻՒՆ ՆՈՐԱՅՐ ՏՀՕՎԼԵՐԵԱՆԻ



Հինգշաբթի, 18 Յունիս 2015 կ. ա. ժամը 11-ին, Ս. Գրիգոր Լուսաւորիչ Տաճարին մեջ, սպակիրներու հոծ բազմութեան մը Ներկայութեան տեղի ունեցաւ Գահիրեի Թեմական ժողովի Երկարամեայ անդամ Նորայր Տեօվլեթեանի ազգային յուղարկաւորութիւնը, որմէ յետոյ իր մարմինը ամփոփուեցաւ Յելիոպոլսոյ Ամենայն Սրբոց գերեզմանատան ընտանեկան դամբանին մեջ:

Նորայր Տեօվլեթեան մեզմէ բաժնուեցաւ Երկուշաբթի, 15 Յունիսին՝ անողոք հիւանդութեան մը պատճառով, միայն 48 ժամ առաջ ՀԲԸՍ-ի Գահիրեի Վարչութեան կողմէ նախատեսուած ընդունելութենէն, որ կազմակերպուած էր առ ի գնահատակը ՀԲԸՍ-ի Գահիրեի Վարչութեան մեջ իր 43 տարիներու անընդմեջ ծառայութեան:

Ողբացեալը ժամանակակից Եգիպտահայութեան Երեց սերունդին պատկանող հայրենանուեր, ազգանուեր Եւ գաղափարապաշտ վերջին մոհիկաններէն էր:

Ան Երկար տասնամեակներու վրայ տարածուած իր բազմաբնոյթ աշխատանքներով, անմասցորդ նուիրումով սատարած էր Եգիպտահայ համայնքին զանազան կազմակերպութիւններուն գործունեութեան:

Նորայր Տեօվլեթեան իր նախնական կոթութիւնը ստացած է նախ Մանկաբանութեան Քոյրերու Վարժարանին, ապա Գահիրեի

Վիեննական Միսիթարեան Վարժարանին մեջ, որմէ յետոյ մինչեւ 1950 իր Երկրորդական ուսումն շարունակած է Կրարատեան Գոլեճին մեջ: Ապա Երկրորդական ուսման իր վկայականը ստացած է 1952-ին Ինկլի Միշըն Գոլեճն:

1954-ին ան պաշտօնի կոչուած է Գահիրեի Օթօման (յետագային Կումհուրիյէ) դրամատան մօտ, ուր շարունակած է պաշտօնավարել մինչեւ 1966:

Այդ թուականին, ան հրաժարելով դրամատան իր պաշտօնեն, գնած է «Ոսկետառ» հայկական տպարանը, որուն գործերը տնօրինած է մօտ 50 տարի անընդմեջ՝ մինչեւ իր շիշումը:

Ան կանուխեն նետուած է հասարակական գործունեութեան մեջ:

1955-ին անդամակցած է Յայ Գեղարուեստասիրաց Միութեան, ուր Վարած է զանազան վարչական պաշտօններ:

1971-էն սկսեալ մաս կազմած է Յայ Ազգային Յիմնադրամի Վարիչ մարմնին, որ սեփականատէրն է Եւ հրատարակիչը «Արեւ» օրաթերթին:

1965-էն սկսեալ անդամակցած է Շամկավար Ազատական Կուսակցութեան, մաս կազմած է անոր Եգիպտոսի Շրջանային Վարչութեան Եւ յետագային դարձած՝ այդ վարչութեան պատույ ատենապետը:

Կուսակցական իր նուիրեալ գործունեու-



թեան համար, Յայրենիքի մեջ 2014 Յուլիսին, ՀՈՎԿ-ի Յանրապետական Վարչութեան կողմէ պարգեւատրուած է «Կուսակցութեան Նուիրեալ» շքանշանով:

1956-էն սկսեալ, ան անդամակցած է Գահիրեի ՀԲԸՄ-ին:

1972-էն 2015, ամբողջ 43 տարի մաս կազմած է անոր վարչութեան՝ որպէս խորհրդական, ատենադպիր, փոխ-ատենապետ եւ ատենապետ:

1976-էն 1992, ամենայն համբերութեամբ եւ խղճմութեամբ հետեւած է ՀԲԸՄ-ի Սաթենիկ Չագըր առանձնատաս վերաբերեալ զանազան տաղտկալի հարցերուն:

1972-էն անդամ ընտրուած է Գահիրեի Թեմական եւ Զաղաքական ժողովներուն:

Ան աւելի քան 40 տարի մաս կազմած է թեմական ընտրութիւնները կազմակերպող իրերայաշորդ յանձնախումբերուն:

Յայաստանի անկախութենեն առաջ, երկար տարիներ խոր նուիրումով աշակցած է Սփիտքահայութեան Յետ Մշակութային Կապի Կոմիտեին եւ կը յամարուեր անոր «անպաշտօն» ներկայացուցիչը Եգիպտոսի մեջ: Յաճախ, երբ իրեն լուր կը տրուեր Յայրենիքին ժամանող հիւրերու մասին, իր ճաշը կիսատ ձգելով, կը փութար զանոնը դիմաւորելու եւ անոնց տիրութիւն ընելու:

Յայրենիքի հանդեպ իր տածած սերը պաշտամունքի աստիճանին կը հասներ:

Յայրենիքին եկողներուն առջեւ իր սիրտը, իր տունը եւ իր սեղանը մշտապես բաց էին:

Յայաստանի անկախացումն վերջ, ան մաս կը կազմեր ՀՀ Եգիպտոսի Դեսպանատան Բարեկամուներու Խորհուրդին:

Յանգուցեալին շիշումով հսկայ պարապ մը կը մնայ իր ետին: Կը մաղթենք որ այդ պարապը կարելի ըլլայ լեցնել նոր նուիրեալ-ներով:

Յուղարկաւորութեան եկեղեցական կարգին ընթացքին խօսք առաւ Գահիրեի հոգեւոր հովիւ Արժ. Տէր Յակոբ քահանայ Յակոբեան, վեր առնելով հանգուցեալին գործունեութեան տարբեր երեսները, ապա Եգիպտոսի Յայոց Թեմի առաջնորդ Գերաշնորհ S. Աշոտ Եպիսկոպոս Մևացականեանի եւ Գահիրեի հոգեւոր դասին անունով, ցաւակցութիւն յայտնեց հանգուցեալին

պարագաներուն:

Ազգային իշխանութեան կողմէ դամբանական խօսեցաւ Տոքթ. Սուրեն Պայրամեան, որ իր ցաւակցութիւնները յայտնեց նաեւ «Յուսաբեր»ի շրջանակին անունով:

ՀԲԸՄ-ի Եգիպտոսի շրջանակին կողմէ դամբանական խօսեցաւ Տիար Պերճ Թերգեան:

ՌԱԿ-ի Եգիպտոսի շրջանակին անունով խօսք առաւ Տիար Ժիրայր Տեփոյեան, նոյն ատեն ցաւակցութիւն յայտնելով Յելիոպոլսոյ ՅՄԸՄ ՆՈՒՊԱՐի անունով:

Յայաստանի ՌԱԿ-ին ստացուած ցաւակցական հեռագիրը կարդաց Տոքթ. Գեորգ Երզնկացեան:

Եգիպտոսի մօտ ՀՀ արտակարգ եւ լիազօր դեսպան Տոքթ. Արմեն Մելքոնեան իր եւ դեսպանատան անձնակազմին անունով ցաւակցութիւն յայտնեց հանգուցեալին պարագաներուն, որմէ յետոյ աև կարդաց ՀՀ Արտաքին Գործոց նախարար Տոքթ. Եղուարդ Նալպանտեանի, Սփիտքի նախարար Տիկին Յրանուշ Յակոբեանի եւ ՀՀ Արտաքին Գործոց փոխ նախարար Տոքթ. Սերկէյ Մանասարեանի ցաւակցագրերը:

(Ցաւակցական նամակները տեսնել յաշորդ էջերուն մեջ):

«Տեղեկատու»ն իր խոր ցաւակցութիւնները կը յայտնե հանգուցեալին կողակիցին եւ կեանքի լծակիցին՝ Տիկին Արաքսի Տօվլերեանի, որ տեւապես թեւ եւ թիկունք կանգնած է իր ամուսնոյն աշխոյժ գործունեութեան:

Նոյնպես ցաւակցութիւններ՝ հանգուցեալին երեք դուստրերուն եւ իրենց ամուսիններուն՝ Տէր եւ Տիկին Յրայր եւ Կասիա Ծղալեաններուն, Տէր եւ Տիկին Վահան եւ Մարալ Ուկեաններուն ու Տէր եւ Տիկին Էմմանուել եւ Կարինէ Սիկալասներուն, իրենց զաւակներուն, ինչպէս նաեւ սգակիր բոլոր պարագաներուն:

Խունկ եւ աղօթք ի հանգիստ իր հոգիին:

Յարգանք իր հարուստ վաստակին եւ բարի յիշատակին:



AGBU

ARMENIAN GENERAL BENEVOLENT UNION

ՀԱՅԿԱԿԱՆ ԲՈՐԵԳՈՐԾՎԱԿԱՆ ՇՐՋԱՎՈՐԻ ՄԻՋԱՅԻՆ

55 East 59th Street, New York, NY 10022-1112 U.S.A. • T: 212 319-6383 • F: 212 319-6507/08 • E: agbuny@agbu.org • W: www.agbu.org

18 Յունիս 2015

Մեծայարդ

Տիար Օնսիկ Պըլքտանեան

Աստենապետ,

Էւ Յարգելի Վարչական Անդամներ Հ.Բ.Ը.Ը.ի

Եզիպտոսի Շրջանակային Յանձնաժողովի

Յարգելի Պրն. Պըլքտանեան,

Խոր ցաւով տեղեկացանք թէ մահացած է Հ.Բ.Ը.Ը.ի նույնական նույնական անդամ և Եզիպտոսի մասնաճիւղի երկար տարիներու վարչական անդամ և ատենապետ Նորայր Տէօվլեթեանը:

Անկասկած Եզիպտոսի մեր շրջանակին համար խորապես յուզիչ է բոլորէն սիրուած եւ իր համբերատար ու հետեւողական վարչական աշխատանքով, Միութեան թէ Գահիրէի թեմական եւ քաղաքական ժողովներուն եւ ազգային այլ կազմակերպութիւններու, իր գործոն մասնակցութեամբ եւ աշխատանքով՝ համայնքին մեծապես օգուակար հանդիսացած Նորայր Տէօվլեթեանի անակնկալ կերպով այս աշխարհին մեկնումը: Ան նաեւ միշտ պիտի յիշուի Հայաստանի եւ Սփիտքի միջև սերտակցութեան ուղղուած իր գործունեութեամբ, նոյնիսկ Հայաստանի անկախութենեն երկար տարիներ առաջ, Մշակութային Կապի Կոմիտեութեան հետ իր սերտ կապերով եւ աշխատանքով:

Այս տխուր առիթով, Հայկական Բարեգործական Ընդհանուր Միութեան կողմէ մեր խորագաց ցաւակցութիւնները կը փոխանցենք Հանգուցեալին տիկնոց, զաւակներուն եւ հարազատներուն, ինչպես նաեւ Եզիպտոսի մեր շրջանակին, մաղթելով որ Նորայրի բարի յիշատակը միիթարութիւն ըլլայ բոլորին եւ իր օրինակը քաջալեր եւ առաջնորդ հանդիսանայ իր հետեւորդներուն:

Աստուած լուսաւորէ Նորայրի ազնիւ հոգին եւ օրինեալ ըլլայ իր արդար յիշատակը:

Վշտակցութեամբ

Պերճ Սեղրակեան

CENTRAL BOARD OF DIRECTORS:

PRESIDENT - BERGE SETRAKIAN VICE PRESIDENTS - SAM SIMONIAN, SINAN SINANIAN TREASURER - YERVANT DEMIRJIAN SECRETARY - BERGE PAPAZIAN.

HONORARY MEMBER - HIS HOLINESS KAREKIN II, Catholicos of All Armenians.

MEMBERS - United States: NOUBAR AFYAN, M. MICHAEL ANSOUR, CAROL BAGDASARIAN ASLANIAN, JOSEPH BASILIAN, NAZARETH PESTEKIAN, ARDA HARATUNIAN, SARKIS JEBEJIAN, LEVON NAZARIAN, DICKHAN TEVRIZIAN, YERVANT ZOIAN, Argentina & HEN KECICHIAN, France ARIS ATAMIAN, Switzerland VAHE GABRACHE

Syria VASKEN YACOUBIAN, United Kingdom JOSEPH OUGHOLYAN

COUNCIL OF TRUSTEES - SARKIS DEMIRJIAN, RICHARD MANOOGIAN, NAZAR NAZARIAN, LOUISE MANOOGHAN SIMONE, KARIG YACOUBIAN

IN MEMORIAM - BOGHOS N. BAR, Founder ALEX MANOOGIAN, Honorary life President



16 հունիսի, 2015թ.

ԱԶՆՎԱՓԱՅԼ ՏԻԿԻՆ ԱՐԱՔՍԻ,
ԿԱՍՅԱ, ՄԱՐԱԼ ԵՎ ԿԱՐԻՆԵ ԴՈՎԼԵԹՅԱՆՆԵՐ
Կահիրե

Սիրելի Տիկին Արաքսի և ընտանիք,

Մրտի խոր կսկիծով տեղեկացանք ձեր թանկագին ամուսնու և հայրիկի, ամենքիս կողմից շատ սիրված մտերմագույն բարեկամի՝ Տիար Նորայր Դովլեթյանի վախճանի տիսուր լուրը:

Նորայր Դովլեթյանի ավյունն ու բարեհամբույր կերպարը համակում էին նրա ողջ շրջապատը: Անհնար է մոռանալ այն ջերմությունն ու բարյացակամությունը, որ ճառագայթում էին նրանից, այն հոգատար վերաբերմունքն ու սրտացավությունը, որ ցուցաբերում էր յուրաքանչյուրի նկատմամբ:

Նորայր Դովլեթյանն իր ողջ կյանքի ընթացքում ամուր կապված մնաց Մայր Հայրենիքին: Լինելով ազգային, կուսակցական և հասարակական նվիրյալ գործիչ՝ նա երբեք ջանք չինայեց հարազատ ժողովրդին անմնացրդ ծառայելու համար:

Բարեբախտություն եմ համարում, որ առիթ եմ ունեցել եգիպտոսում որպես Հայաստանի Հանրապետության առաջին դեսպան պաշտոնավարելուս ժամանակաշրջանում տարիներ շարունակ սերտորեն գործակցել այդ բացառիկ անձնավորության հետ: Նորայր Դովլեթյանի և նրա նմանների անգնահատելի աջակցությունն ու քաջակերանքը հաճախ օգնել են իրականության վերածել նոյնիսկ անհնարին թվացող ծրագրեր: Նորայր Դովլեթյանի անունն ընդմիշտ ուկե տառերով գրված կմնա եգիպտոսում Հայաստանի Հանրապետության դեսպանության կայացման պատմության մեջ:

Անհոն վշտի և կսկիծի այս դառնագին պահերին հոգով և մտքով ձեր կողքին ենք: Ուժ, կորով և համբերություն Ձեզ, բոլոր հարազատներին և բարեկամներին՝ դիմակայելու համար այս անդառնախ կորուստը:

Նորայր Դովլեթյանի անմար հիշատակը միշտ վառ կմնա մեր սրտերում:

Ձեր՝

ԷՌՎԱՐԴ ԵՎ ՆԱՏԱԼԻԱ ՆԱԼԲԱՆԴՅԱՆՆԵՐ



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՍՓՅՈՒՌՔԻ ՆԱԽԱՐԱՐՈՒԹՅՈՒՆ

ՆԱԽԱՐԱՐ



MINISTRY OF DIASPORA OF
THE REPUBLIC OF ARMENIA

MINISTER

“17” 06. 2015 թ.
01/ 1435-15

**ՏԻԿԻՆ ԱՐԱՔՍԻ ԴԵՈՎԼԵԹՅԱՆԻՆ,
ՆՈՐԱՅՐ ԴԵՈՎԼԵԹՅԱՆԻ ԲՈԼՈՐ ՀԱՐԱՉԱՏՆԵՐԻՆ**

Սիրելի՝ հայրենակիցներ,

Խորին ցավով տեղեկացանք ՌԱԿ Եգիպտոսի շրջանային վարչության պատվավոր նախագահ, «Ուկետառ» տպարանի տնօրեն, Եգիպտոսի Արաբական Հանրապետությունում Հայաստանի Հանրապետության դեսպանության աջակից, բարերար, նվիրյալ ազգային գործիչ Նորայր Դէովլեթյանի մահվան մասին։ Ընդունեք մեր անկեղծ և սրտագին ցավակցությունները։

Նորայր Դէովլեթյանն իր ողջ կյանքում անձնվիրաբար ծառայել է համայնքին, հայ ազգին ու Հայրենիքին։

Համոզված ենք, որ ազգի ազնիվ զավակ, հավատարիմ բարեկամ, վստահելի գործընկեր ու վաստակաշատ գործիչ Նորայր Դէովլեթյանի բարի անուն ու հիշատակը միշտ վառ կմնան հարազատների և մերձավորների, ողջ հայության հիշողություններում։

Անդառնայի կորստի այս դժվարին պահին խորապես կիսում ենք ձեր վիշտը։

Աստված լուսավորի մեր ազգի արժանավոր զավակի հոգին։

ՀՐԱՆՈՒՇ ՀԱԿՈԲՅԱՆ



Սիրելի տիկին Արաքս,
Սիրելի Շովլեթյան ընտանիք,

Խորք վշտով տեղեկացանք, որ կյանքից հեռացավ մեր մեծ ընկեր և
բարեկամ Նորայր Շովլեթյանը:

Նորայր Շովլեթյանի կյանքը սերտորեն կապված էր Հայաստանի
հետ: Մենք, Եգիպտոսում ծառայած դիվանագետներս, միշտ զիտեինք, որ
Նորայրը մեր կողքին է: Նորայրը այն եզակի անձնավորություններից էր,
որին անհրաժեշտ չէր խնդրել աջակցության համար: Նա իր պարտքն էր
համարում օգնությունն առաջարկելու առանց լրացուցիչ աղմուկի և
գովազդի:

Հարգելի Շովլեթյան ընտանիք՝ վստահ եղեք, որ Նորայրը
հավերժ կմնա մեր սրտերում:

Հնդունեք, խնդրեմ, մեր խորին ցավակցությունները:

Սերգեյ, Իրինա Մանասարյան



ՄԱՀ ԵՒ ՅՈՒՂԱՐԿԱՌՈՒԹԻՒՆ ԼԵՒՈՆ ԵՒ ԱՆԹՕՆԻ ՆԻԿՈԼԵԱՆՆԵՐՈՒ



Խոր վիշտով եւ ցաւով համակուած մթնոլորտի մը մէջ, Հինգաշբթի 25 Յունիսին տեղի ունեցաւ Լեւոն Նիկոլեանի եւ իր զաւկին՝ Անթօնիի յուղարկաւորութիւնը Գահիրէի Ս. Գրիգոր Լուսաւորիչ Եկեղեցւոյ մէջ՝ ի ներկայութեան հարիւրաւոր սգակիրներու: Որմէ յետոյ ողբացեալներուն մարմինները ամփոփուեցան Յելիոպոլսոյ Ամենայն Սրբոց գերեզմանատան ընտանեկան դամբանին մէջ:

Եգիպտահայ համայնքը այդպիսի սրտաբեկում եւ յուզում յառաջացնող յուղարկաւորութեան մը ներկայ չէ գտնուած:

Ծովեզերեայ հանգստավայր (resort) Յուրկատայի մօտ՝ Երեքաբթի, 23 Յունիսին Լեւոնի եւ Անթօնիի պատահած ինքնաշարժի ողբերգական արկածին լուրը հասնելուն պես, տխրութիւնը եւ կսկիծը պատած էին Լեւոնը եւ Անթօնին ճանչող իւրաքանչիւր անձի սիրտը եւ հոգին:

Պատահածը, անկասկած, ողբացեալին ընտանիքին անդամներուն եւ մօտիկ բարեկամներուն համար սարսափելի եւ ահարկու տագնապ մըն էր, եւ նոյն ատեն՝ ամբողջ համայնքի մը սրտի սեղմում պատճառող անհաւատալի աղէտ մը:

Այս տխուր առիթով, Գահիրէի հայ համայնքի բոլոր ակումբներու գործունեութիւնները եւ ծրագրուած պատյտները յետածգուեցան ցնոր տնօրինութիւն:

Լեւոն Նիկոլեան 1977-ին շրջանաւարտ եղած է Նուպարեան Ազգային Վարժարանի 6-րդ դասարաննեն, ապա իր Երկրորդական ուսումը ստացած է Սենթ Ճորճ Գոլեմին մէջ, ուրկէ շրջանաւարտ եղած է 1984-ին:

Յաջորդ տարին ընդունուած է Եյս Շամս Յամալսարանի Գիտութիւններու Ֆակուլտետը՝ Յամակարգչային Գիտութեան Եւ Թուաբանութեան բաժինը, ուրկէ շրջանաւարտ եղած է 1988-ին:

Աև 1990-ին միացած է «Presidential Nile Cruises» հաստատութեան՝ որպէս համացանի ճարտարագետ:

Աև կարեւոր ներդրումներ ունեցած է իր տարբեր պաշտօններուն եւ դերերուն մէջ, մինչեւ որ 2011 թուականին հասած է հաստատութեան գլխաւոր գործադիր պաշտօնատարի աստիճանին եւ հետեւած է զրոսաշրջիկութեան գործին մէջ յառաջացած հկայ աճին Յուրկատայի, Լուքսորի եւ Գահիրէի մէջ:

Հաստատութեան գործերը երեք տարի իբրեւ գլխաւոր գործադիր պաշտօնատար տնօրինելէ յետոյ, աև որոշած է հրաժարիլ եւ ձեռնարկել անձնական գործի՝ որպէս հիմնադիր եւ գլխաւոր բաժնետէր Յուրկատայի «Viva Blue» կոչուող պանդոկ-հանգստավայրին:

Աև «Viva Blue» պանդոկին նախնական բացումը կատարեց 22 Մարտ 2015-ին՝ ու-



AGBU

ARMENIAN GENERAL BENEVOLENT UNION

ՀԱՅԿԱԿԱՆ ԲՈՐԵՓՈՐԾԱԿԱՆ ԸՆԴՀԱՆՈՒՐ ՄՈՒՋԻՒՄ

55 East 59th Street, New York, NY 10022-1112 U.S.A. T: 212 319-6383 • F: 212 319-6507/08 • E: agbuny@agbu.org • W: www.agbu.org

24 Յունի 2015

Մեծայարդ

Տիար Օննիկ Պըլքտանեան

Աստենապետ,

Եւ Յարգելի Վարչական Անդամներ Հ.Բ.Ը.Ս.ի
Եզիպտոսի Շրջանակային Յանձնաժողովի

Յարգելի Պրն. Պըլքտանեան,

Այս առաւտօս սրտի խոր կսկիծով ստացանք ձեր գրութեամբ փոխանցուած ցնցիշ գոյժը՝ մեր միութեան Եզիպտոսի գործօն անդամներէն եւ սիրելի վարչականներէն Լեւոն Նիկոլեանի եւ իր դեռատի զաւկին՝ իննամեայ Էնթընիի, ինքնաշարժի արկածով անակնկալօրէն մահացած ըլլալուն կապակցութեամբ:

Կրկնակիօրէն եղերական այս պատահարը, որ մեզմէ կը խլէ ազգային ծառայութեան նուիրուած եւ միութենական առաջնորդ դեր ստանձնելու կոչուած խոստմնալի երիտասարդ անձնաւորութիւն մը եւ իր անմեղ զաւակը, մարդկայնօրէն անըմբռնելի ծանրագոյն հարուած մըն է անկասկած հանգուցեալի տարաքախտ այրիին՝ Տիկին Լալային եւ դստեր Լիային ու անոնց ընտանեկան պարագաներուն եւ հարազատներուն համար:

Մենք մեր մտածումներով, սրտակից ենք ձեզի եւ հաղորդակից ձեր ցաւին: Կ'աղօթենք որ Աստուած լուսաւորէ Լեւոնի եւ Էնթընիի ազնի հոգիները եւ անոնց վառ եւ բարի յիշատակներովը միմիթարէ իրենց հարազատները:

Այս տիխուր առթիւ, Հայկական Բարեգործական Ընդհանուր Միութեան անունով եւ անձնապէս, մեր խորազգաց ցաւակցութիւնները կը փոխանցենք Տիկին Լալային եւ Լիային, անոնց հարազատներուն եւ սիրելիներուն, ինչպէս նաև ձեր վարչութեան անդամներուն եւ Եզիպտոսի մեր շրջանակին:

Թող Աստուած օրինէ հանգուցեալներուն արդար յիշատակը:

Խոր վշտակցութեամբ՝

Պերճ Սեղրակեան

CENTRAL BOARD OF DIRECTORS:

PRESIDENT - BERGE SETRAKIAN. **VICE PRESIDENTS** - SAM SIMONIAN, SINAN SINANIAN. **TREASURER** - YERVANT DEMIRJIAN. **SECRETARY** - BERGE PAPAZIAN.

HONORARY MEMBER - HIS HOLINESS KAREKIN II, Catholicos of All Armenians.

MEMBERS - United States: NOUBAR AFYAN, M. MICHAEL ANSOUR, CAROL BAGDASARIAN ANLANIAN, JOSEPH BASRALIAN, NAZARETH PESTEKJIAN, ARDA HARATUNIAN, SARKIS JEBEJIAN, LEVON NAZARIAN, DICKRAN TEVRIZIAN, YERVANT ZOIRIAN. Argentina: RUBEN KECHICHIAN. France: ARISS ATAMIAN. Switzerland: VAHE GABRACHE.

Syria: VASKEN YACOUBIAN. United Kingdom: JOSEPH OUGHOURIAN.

COUNCIL OF TRUSTEES - SARKIS DEMIRJIAN, RICHARD MANOOGHIAN, NAZAR NAZARIAN, LOUISE MANOOGHIAN SIMONE, KARNIG YACOUBIAN.

IN MEMORIAM - BOGHOS NULIAR, Founder: ALEX MANOOGHIAN, Honorary Life President.



Նենալով յաջող սկիզբ մը եւ յաճախորդներու կողմէ դրական անդրադարձ՝ որպես հետեւանք պանդոկին բարձր որակի ծառայութեան եւ հիւրասիրութեան:

Լեւոնը այս տիպարն էր, որուն հետ երբեք չէիք կրնար վրդովուիլ: Ծնորիիւ իր անուշ ժախտին եւ բարի զգացումներուն, ան լաւագոյն բարեկամն էր եւ գործակիցը, զոր ուրեւ մեկը կը փափաքէր ունենալ:

Այդ բարեմասնութիւնները արդէն կը ցոլային Լեւոնի արժանաւոր զաւկին՝ 9-ամեայ հրեշտակ Անթօնիի վրայ, որուն վաղաժամ մահը խոցեց բոլորին սրտերը:

Եկեղեցական կարգէն վերջ, յուզիչ դամբանականներ կարդացուեցան Գահիրէի ՀԲԸՄ ՆՈՒՊԱՐԻ ատենապետ Պրև. Ժիրայր Տեփոյեանի՝ եւ Գահիրէի ՀԲԸՄ-ի ատենապետ Տոք. Վիգէն Ճիզմէճեանի կողմէ, որոնց հետեւեցաւ արարեւնով մահախօ-

սական մը, զոր կարդաց Տոք. Ճորճ Սիմոնեան՝ Լեւոնի բարեկամ այն բազմաթիւ եգիպտացիներուն համար, որոնք եկած էին ներկայ գտնուելու յուղարկաւորութեան:

Այս տիսուր առիթով «Տեղեկատու»ն իր ցաւակցութիւնները կը յայտնէ ողբացեալ Լեւոնի Տիկնոց՝ Լալային եւ դստեր՝ Լիանորային, Լեւոնին հօր՝ Տոք. Անթուանին, Եղբօր՝ Ճոյին եւ Տիկնոց, ողբացեալին աներհօր՝ Տէր եւ Տիկին Մելքոն Շամամեաններուն եւ անոնց զաւակներուն, ինչպէս նաեւ բոլոր ազգականներուն ու սգակիր պարագաներուն:

Խունկ եւ աղօթք՝ ի հանգիստ իրենց հոգիներուն:

Անոնք իրենց բարի անունով եւ յիշատակով միշտ պիտի ապրին բոլորի սրտերուն մէց:

ԱՂԵՔՍԱՆԴՐԻԱ

ՄԱԿ ԵՒ ՅՈՒՂԱՐԿԱՌՈՒԹԻՒՆ ԱԼԻՍ ՄԱՆՈՒԿԵԱՆԻ



ՀԲԸՄ-ի Աղեքսանդրիոյ մասնաճիւղի վարչութիւնը մեծ ցաւով կը գումժէ իր երկարամեայ անդամուիի՝ Տիկին Ալիս Մանուկեանի մահը, որ պատահեցաւ Երկուշարթի, 1 Յունիս 2015-ին, յետ կարճատեւ հիւրանդութեան:

Թաղման տիսուր արարողութիւնը տեղի ունեցաւ 2 Յունիս 2015-ին, Շաթապիի Ս. Գեղորգ Մատրան մէց:

Այս տիսուր առթիւ ՀԲԸՄ-ի Աղեքսանդրիոյ վարչութիւնը իր խոր վշտակցութիւնը կը

յայտնէ հանգուցեալին վշտաբեկ զաւակներուն՝ Տոք. Եւ Տիկին Էտուար Մանուկեանի եւ դստեր՝ Ջրիսթինի, Տէր եւ Տիկին Յակոբ Մանուկեանի եւ դստեր՝ Մարալի, ինչպէս նաեւ հանգուցեալին բոլոր հարազատներուն:

Թող հանգուցեալին բարի յիշատակը մխիթարէ սգակիր հարազատները:

Նազարէթ Գարթալեան

ՄԱՀ ԵՒ ՅՈՒՂԱՐԿԱՌՈՐՈՒԹԻՒՆ

ՅԱԿՈԲ ԿԱՆԻՄԵԱՆԻ



ՀԲԸՍ-ի Աղեքսանդրիոյ մասնաճիւղի վարչութիւնը սրտի անհուն կակիծով կը գուրծէ մահը իր երիցագոյն անդամներէն եւ վարչական նախկին անդամին՝ Յակոբ Կանիմեանի մահը, որ պատահեցաւ Ուրբաթ, 19 Յունիս 2015-ին, յետ կարճատեւ հիւանդութեան:

Յայոց Մեծ Եղեռնէն մազապուրծ մարաշցի ծնողներու անդրանիկ զաւակն էր Յակոբ Կանիմեան՝ ծնած 1929-ին Եգիածոս, Աղեքսանդրիա: Տակաւին հինգ տարեկան էր Յակոբ, երբ հայրը Բարեգործականի անդամ կ'արձանագրէ գինքը:

Պօղոսեան Ազգային Վարժարանէն վերջ, ուսումը կը շարունակէ եւ կ'աւարտէ ֆրանսական «Սենթ Մարք» Գոլեճը:

Աշխատիլ սկսած է իտալական դրամատան մէջ (յետագային՝ «Ակիլի»): Սկսած է որպէս պարզ պաշտօնեայ մը: Իր աշխատասիրութեան, պարտաճանաչութեան, բանհմացութեան շնորհի, ան եղաւ տևորէն՝ մինչեւ իր հանգստեան կոչովիլը:

Իր աշխատանքի, ընտանիքի եւ շարք մը պարտականութիւններու կողքին, ան երբեք չմոռցաւ, որ ինք Աւետարանական Եկեղեցւոյ զաւակ է: Յակոբ կը վարեր Եկեղեցւոյ թղթաբանութիւնը, հաշիւները, կը քարոզէր:

Ամէն Կիրակի Աղեքսանդրիոյ Պօղոս

Պետրոս Եկեղեցւոյ Ս. Պատարագը պիտի սկսէր եւ ընթանար իր ձայնակցութեամբ: Եկեղեցւոյ երգչախումբին մէջ ան իր մնայուն տեղն ունէր:

Յակոբ Կանիմեան ապրեցաւ աստուածահաճոյ կեանք մը, լոյս ու հոգւոյ ջերմութիւն սփորեց իր շուրջը, եւ խաղաղ ու անխօս մարեցաւ ինչպէս մոմ մը:

Թաղման տխուր արարողութիւնը տեղի ունեցաւ 20 Յունիս 2015-ին, Խարահիմիէի հայ աւետարանական Եկեղեցւոյ մէջ, որմէ յետոյ հանգուցեալին մարմինը ամփոփուեցաւ Շաթպիի Ս. Գեորգ Մատրան գերեզմանատան իր ընտանեկան շիրիմին մէջ:

ՀԲԸՍ-ի Երկարամեայ վեթերան անդամին մահուան տխուր առթիւ, ՀԲԸՍ-ի Աղեքսանդրիոյ վարչութիւնը իր խոր վշտակցութիւնը կը յայտնէ հանգուցեալին վշտաբեկ կողակցին՝ Տիկին Յայկուիի Կանիմեանի, դուստրերուն՝ Տէր եւ Տիկին Սարգսի Թոսուեանի, Տոքք. Տիգրան եւ Տոքք. Ծողիկ Յովակիմեանի եւ դստեր՝ Նարինէի, իր քրոջ՝ Օրիորդ Ծուշան Կանիմեանի, Եղբօք՝ Տէր եւ Տիկին Երուանդ եւ Ասժիկ Կանիմեանի ու բոլոր սգակիր հարազատներուն:

Թող լաւ ու պայծառ օրերու յիշատակները սփոփէն հանգուցեալին հարազատները:

Նազարեթ Գարթալեան

